

三水縣志

廣東省立圖書館  
編目部  
卷五 257.4  
管城·原12647  
00784

康熙丁巳年知縣

逢春

三水縣志序



邑之有志也曷昉乎曰昉於  
禹之別九州也禹別九州首  
志山川次志土田志貢賦志  
里道及揆文奮武而終之曰

三水縣志序

聲教四訖愍其久而或失也  
故鑄九鼎以象九州志不忘  
後世龍門扶風遂祖之為一  
代良史左氏以為鑄鼎圖神  
姦使民不逢不若失則誣矣

余已酉秋蒞幽邑覽城郭之  
丘墟撫民生之痍瘵愀然垂  
襟索邑志閱之簡畧殘缺抑  
何陋也幽風固若此乎迺邑  
務殷繁輯修有待先度其有

關政教之大者如城垣泮宮  
武亭公署諸役悉捐橐爲倡  
漸次鼎新邇值隣氛告警風  
鶴靡寧翹翹曉曉不遑他矣  
茲鷄音泮集爰謀修志之舉

或曰甚哉吾子之迂也嚮者  
寇逼門庭守孤援絕人勸以  
西堡為昔避患處盍圖諸而  
子毅然非之方軍興旁午征  
輓羽飛民瘼所不暇卹而子

則累牘為民請命今雖買犢  
賣刀猶慮鳩眼未化蜚芻輓  
粟更嘆魴尾尚顛願乃搦管  
修文迂濶寡當即修之而環  
堵蕭然其何能謀及梨棗乎

余曰唯唯否否效死封疆勤  
恤民隱此司牧職分耳詎何  
容辭若夫志猶史也有經不  
可無史且自萬曆辛巳距今  
垂百載其間營建之變遷戶

口賦役之隆替風俗政事之  
損益人物節烈之踵興參錯  
弗俾泯焉罔述倘  
輜軒俯採其寔以應况余待  
罪巖疆出九死而一生仰荷

朝廷特恩

上臺堦埴以有今日否則不  
幾負此志耶尤恐狼烟未靖  
縹緲散佚而文獻無徵是則  
誰之責也夫遂造

倣明文先生之廬請焉文自  
少白 太青諸先生笙簧墳  
典赤幟詞壇海內傳誦已久  
倣明以揆天之才承世美之  
學固足闡揚曩懿昭信來茲

復佐以 孝廉張君克其茂  
才文子龍軒張子僕文子崇  
衮馬子三錫王子達可輩皆  
一時英彥互相校讐余於公  
餘之暇時與印可闕者補之

疑者訂之俾勿貽或失則誣  
或失則陋之譏云爾凡四閱  
月而成余取而卒業閱山川  
志曰佳氣鬱鬱葱葱其始基  
之隩區乎閱風俗志曰勤而



不怨儉而不淫猶有幽之遺  
風焉閱田賦志曰噫嘻幽土  
瘠賦重匪公劉疇其篤諸匪  
郇伯疇其勞諸閱人物志曰  
美哉曩賢今哲鴻烈靡遺草

澤閨閫織媿罔棄其月旦之  
大公乎閱藝文志曰倚與休  
式序記條議字挾風霜鉅賦  
詩歌聲宣金石洵史籍之鼓  
吹歟由斯以觀幽彈丸一邑

不可以九州例而上下數千  
年揚於幽先公之徽猷且數  
月間勒成垂百載之曠典聲  
教未湮揆奮業備寧不與龍  
門扶風並傳不朽耶余猥以

謏劣叨附驥尾獲觀厥成亦  
所謂錄錄因人成事者余滋  
媿矣余尤幸矣旣屬藁授之  
剞劂適陳子之桂捐資二十  
金益喜有志竟成而陳子之

慨慷善並足錄云覽斯志者  
其亦可當函風七月之圖獻  
吾也是為序



音

康熙丁巳歲上巳日

三水縣志序

九

文林郎知三水縣事溫慶  
林逢泰謹識



重修臨邑志序

夫邑乘必增乎志猶家有  
全譜國有信史不可一日缺  
焉罔垂於來茲也史官立  
於黃帝厥後有內外史以

序

志邦國而紀帝王之世緒者  
推乎司馬譜牒檢自太宗  
厥迄有大小宗以志世族而  
圖廬陵之支屬者稱乎歐  
陽故史以志事譜以志倫

文釋志以記記其事身地以  
隙詩而觀風則太師司之有  
志世道者謂述作之難莫先  
於志書事討言必辨而不華  
質而不俚敢不直指以核令

序

二

魚目混珠燕石錯玉為沮  
誦柱石搯所譏哉函為公劉  
立國原陞之野九危九陞  
交錯成文謂之函函之山川  
存子午其地絡自北以南應

先天以胎易而剛柔結京丘  
皇過之衍沃又地理自南以北  
應後天以象待而齒齠膾炙  
饌身玉之治行尚年小史外  
史掌四方邦國之志者宜稽

本



三

彼版圖以煇彤管何京原泉  
圖之不載於盟府也降而沿  
革不一甘泉造即枸邑宋如  
自為甘泉元始併入甘泉而  
明季又各自為縣縣無定制

則志亦無定本邑之志創自  
子澤秦公而邑人馬養浩繼  
編之不能詳分其類以便  
閱總括其要以提綱領茲  
士者感少之瀛海李公輯

序

之於前濟南韓公又擴厥  
風以補其遺秦讀禮之  
而延人代著則山川風俗  
舊錄混淆錯雜如亂絲之  
不可理也我

邑侯林父母翹數千里之郵  
以莅幽甫下車悅狀澄清見嶽  
瀟紫峭比閭愿撲有二園遺  
風翠狀曰是必有開其先者尋  
徵獻而考典則漫漶無次且  
序

五

帙式陞陞鮮有華籍愈謀紳  
士欲踵而華之丙辰之易屬  
予搦觚四閱月茲舉幽之幅  
幘相度星槿地理咸繪譜圖而  
山川田賦人物風俗類臚一十



有七每類為引并其端總成四  
卷付之剞劂我 侯于橐先  
倡之又正厥字之屬活芭奇不可  
問者句之鈎輶格磔不永諧者  
事之風龍裝耳剞劂之據者

序

六

悉較而汰之以為完棄及讀  
我 侯諸洋議皆勤恤民隱  
實心實政宜勒金石垂之不  
朽竊之朔殺青以告迨為之  
叙曰今水嶺西之九川畫地

而為函郁狀有象錯之文九  
龍蜿蟺以北馭五鳳翽鷄  
以南迴而中則函應乾天坤地  
良人以聚乎三才者獸據其  
隩區九原錯而文山九陞錯

序

七

而文水崑崙崑崙崑崙之敦隆  
結於函為公劉鞠陶所都  
其聖文神武之德萃乎長  
俾曰函珍文麟則函文也子  
雲曰斐如邠如則邠亦文

也作者必博蒐幽之山川地  
理咸協乎文討其地身俗  
以載之文獻為述作之可  
徵蓋氏云其文則史史必有  
文以章憲章一垂鑒戒史之

序

有關於國大矣古者列國  
之史以裁討典所為邦國  
四方之志而邑之有志亦宣  
聖竊取之義則志又可續  
夫史也核其事而直其文安

知不身司馬之史歐陽之  
譜同楊乾於身自

康熙丁巳病月上泮之吉

賜進士第原任湖廣衡州

府推官邑人女倬天襪

序

九



三水縣志目錄

卷之一

幽圖

邑圖

沿革

星野

卷之二

地理

山水

古蹟

水縣志

田賦

風俗

卷之三

名宦

鄉賢

科目

武職

隱德

孝行

節烈

卷之四

藝文

序

碑

記

議

賦

歌

三水縣志

目錄

三水縣志凡例 計十七則

一 函國地絡必本子午故立其總圖知發祥之有原又繪邑治城圖臚列廨宇倉庫各有定制庶使觀者豁然

一 邑治遁有沿革或爲郇之封邑或統入淳化爲大林鄉或仍立三水興廢不一必稽其實以明營建之不畧

一 分野古昔弁之簡端今次列之以爲建邦必相流泉觀陰陽而躔度猶其緩者

一 地理爲設邑第一務今必攷輿地圖十道志陝西通志及三輔黃圖庶見聳有所據至於物產之細微不暇備錄

一 山水舊本互異不一今折衷諸家詳加考正卽有未盡按入者付之闕疑不敢妄爲牽合

一 古蹟如雙槐堡飛雲洞諸勝難以枚舉而寺觀無幾亦前賢所締構者兼爲續入以備全觀

一 田賦今昔不同當從 今制禹貢爲原隰之野正以道其險僻側蹶之地形其稅浮於厥畝文太青減糧議林邑侯諸詳文兼錄以志其苦狀一 風俗力穡崇儉詳載七月之章而篤公劉一什

經畫周詳想見立國遺烈今特錄二篇爲采風者所周諮

一名宦所以祀垂功德於民者永思甘棠之澤李楊而後循良備志首列公勳郁伯馮鄧諸人庶知古之有遺愛也

一鄉賢爲地靈傑出特祀瑣存今並舉周之皇甫唐之君集及後之名行成立者以見英流間出代不乏人

一科目爲闢門盛典幽雖未敢齒請大邑而蟬聯鳳翥蔚爲國華振而大之是所望於後人

三水縣志

九例

二

一武職舊志不列然揆文奮武不可偏廢今特爲志以脩續武之風

一幽之舊志仙釋罕見特取其隱惠高尚孚孚月且至若煙霞自痾枕流漱石者槩不敢錄

一幽之節孝俱關風化卽近代懿德淑行必取事行共著爲五比四閭所儀型者以光籍典

一幽之藝文不翅克棟今選其文之有資於政詩之有切於景者以摛其藻鴻篇而外不濫及焉

西極文倬天泃陽甫拜識



三水縣志卷之一

文林郎知三水縣事閩溫陵林逢泰重脩

儒學古延州王 採分校

邑人文倬天編纂

張 撰

同訂

文龍軒

幽圖

公劉立國於幽之谷也幽接脈於子午北入大荒而南殫於分水嶺嶺西之九原九陞交錯以爲幽禹貢稱原陞之野蔡注云廣平日原下濕曰陞朱傳謂幽即三水者地之有巘有岡有原有陞可夾

三水縣志

卷之一

一

而居者皇澗繞其北可遡而居者過澗自北而西過其邑古人正尙其險側以爲隩區也雍州之原陞底績以此依太青幽易解獨詳者志幽圖





僻而陋之公劉之立國豳之谷正尙其地險以爲隩  
區也而抑孰知大陋之爲大文乎其山良而水坤涇  
之來自乾而九川歸之原山則一本而九支原水則  
一經而九緯其山川之初生蓋自北而南經與緯皆  
原於北故先天之序因川分壤宜先上而後下以寧  
州之九龍川爲第一後天之位建國經野宜先內而  
後外以淳化之通澗溝爲第一水龍象也一水當一  
龍故九龍川當其九而以之名俗謬稱有九龍下治  
水何胎簪之九川行亦弗按地形者也九川次第畢  
入涇而九嶼山實鑰其右其峯五出俗稱五鳳豳之  
三水縣志

卷之一

三

形蓋五鳳當其前九龍當其後乾天坤地而艮人三  
才之象萃此矣一水當一爻九水則爲九爻一原當  
一陽爻一涇當一陰爻原涇各九合之則爲九爻十  
八變爲六畫卦者三是宜有上三水中三水下水  
也寧州真寧之域上三水也山川之初氣故漫衍而  
不可以深棲淳化之域下三水也山川之餘氣故側  
迫而不可以立邑豳邑則中處而有京師之野與皇  
澗過澗之三水故特顯三水之名過澗今訛爲炭泉  
皇澗今訛爲唐川地中有水謂之師師亦水也今止  
稱縣川卽豳水而許氏說文以爲汎水至誤歸之於

右扶風志以邑之左右小溪王泉白馬泉稍泉當之者又細甚卽文與可之丹淵集稱三泉亦沿俗未寤幽雖九水之總名而師野之水源獨遠配石門之巘宜特爲幽水也先天畫卦之序北下而南上則九龍川爲一爻是爲未濟之象宜爲公聖素王之所產而後天卦成之位內下而外上則以石鼓原爲一爻是爲既濟之象故爲公劉太王之所宅石鼓原象一陽爻爲初九通澗象一陰爻爲六二十里原象一陽爻爲九三小峽象一陰爻爲六四三里原象一陽爻爲九五姜源象一陰爻爲上六此下一卦也古公原象三水縣志

卷之一

四

一陽爻爲初九幽水象一陰爻爲六二半川原象一陽爻爲九三過澗象一陰爻爲六四北宮原象一陽爻爲九五皇澗象一陰爻爲上六此中一卦也琴山原象一陽爻爲初九羅川象一陰爻爲六二文樂原象一陽爻爲九三龍門川象一陰爻爲六四武昌原象一陽爻爲九五九龍川象一陰爻爲上六此上一卦也九原則半川當其中九陞則過澗當其中八川皆源於山而此澗獨源於半川之後川原半故謂之半川實象太極陰陽之交是以先夫子產於職田而家於半川當原陞十八爻之中也此蓋天地自然之

易故公劉孫子乃有文王之重卦而終於既濟未濟之兩卦天實先開之矣予近久由潛乃寤謬以公劉立國之初所經營於某原某陁與其所葬於某原某陁者定卦爻之變而歷推之至先夫子之生某原某陁者爲卦之再變以演幽易之運而四千九十六變皆可推若饒舌而實有當焉者也

### 幽谷考

文翔鳳

不窻自郃窻戎翟之間爲慶州寧州於南北朝爲邠州公劉城在州西大似所謂京高丘者但弗入幽谷之隩而塚固在邠州三水之間矣宜其國爲近朱子三水縣志

### 卷之一

五

詩傳幽在三水按篤公劉一詩其山川全合陟則在嶽則石門卽幽山幽山名亦水名也而寧邠間更無他嶽所謂降而在原者信謂此逝彼百泉則諸陁谷之泉源不啻百又奚以三泉之細而名之南岡則邑翠屏巖也半川殆其立國之野所謂京而邑之川卽師水是謂京山師水地中有水曰師幽雖九谷之總名而其建國之大川宜顯稱幽水九原槩壁數百尺而水伏其地中師象也所謂土厚水深者正謂此北山北耳皇澗卽唐川之訛也可夾而居者也過澗卽炭泉之訛也梁渠源於半川之後而其下流爲炭泉

獨南轉而過其國宜爲過澗炭泉之名見丹淵集可  
邈不可夾也唐以南邠州爲邠州其以州左右小溪  
當二澗者誤高辛氏不都幽柰何邠城而有篤生后  
稷之隘巷蓋衡郵之吏餽而表之以重地而亦弗問  
邠邠之不相涉邠州蓋所謂度其夕陽者詩稱涉渭  
不稱涇豈立國於涇之畔而曾弗之齒耶同官有漆  
至耀州而合沮又安知所祠哭秦之姜女不卽爰及  
姜女之訛乎而淳化之姜源亦當爲太姜之里蓋謂  
太姜實源於此耳其以爲姜嫄者亦誣蓋吏之以嫄  
代源而表餽之以重地者也永壽爲唐漆縣求其漆

三水縣志

卷之一

而弗得近始詢得於九嶠之陰細甚又不當率西之  
道其建邑蓋誤以率西之許爲漆沮而遂以名而吏  
又因縣以餽實之亦豈果有兩漆沮如雍錄諸說謂  
詩書不相協乎書稱涇屬渭汭漆沮既從同耀之水  
實入渭而清碧如漆也詩止云率西許不言漆柰何  
強而傳之其云自土沮漆亦非謂幽隩果在沮漆間  
蓋道其遐僻之界而陶復固自在谷中也乃爲善說  
詩西許蓋即今大峪底窖諸水而必以爲率漆沮而  
西也宜其裂詩書而二之寧州真寧蓋北幽幽之朕  
淳化蓋南幽幽之腓同官耀州蓋東幽幽州永壽蓋

西幽幽之腋三水蓋中幽幽之腹而寧州真寧三水皆立幽谷中谷九而原陞錯故謂之幽淳化往即三水縣宋始自爲淳化縣元始併入淳化而明朝始各自爲縣也自寧州城以北原即宜北而淳化城以南川即宜南無所爲艮山坤水者不爲幽同耀邠水並在九谷外則一經九緯之幽吾邑實據其隩區矣班叔皮之自長都之安定也北征賦所謂邠邠邑鄉者吾邑也杜少陵之自鳳翔之鄜延也北征詩所謂木末水濱者吾邑也許氏不諳地而以汎水歸之扶風縣是以圖爲岐也汎蓋幽邠同而水表之幽字兩豕三水縣志


卷之一

分附山者豕水象也分附者子午嶺分水以東西也邠蓋八字分而西立邑於其水際故邠目之也凡分則象八分從八從刀故自分水嶺以西則爲邠也是邠之爲言文也亦分也分陰分陽而後可錯以成文九谷分壤地而爲原陞故分文之兩義兼也汎蓋外八而中一之象此九原九陞之所以爲幽爲邠也

邑圖


凡建邦國周禮形方氏正其疆界不華不離而後  
 匠人以土圭度其地而制其域求日景於地中尺  
 有五寸取天地所交風雨所會陰陽所稽方百里  
 而封樹之故公劉一詩所謂瞻溥原而陟南岡觀  
 相所協依京而為處廬語言之地舟至以聽政者  
 遐哉罕覯矣及攷其營建自明成化楊尹豫度枕  
 原而面河墉崇以六弓基闊以五弓池濬以五弓  
 週以五里五分內之公廡咸備柰歲久頽圯綱紀  
 攸斁已酉林侯逢泰下車力葺其隍池公堂象璜樓  
 三水縣志

卷之一





邑名



三水縣志

卷之一

通志云邑名三水者以縣有稍泉白馬泉煖泉因三

泉故號三水也

文與可丹淵集稱邑為三泉

太青子曰縣治有汎水與皂澗過澗故顯三水之名

幽風朱子詩註曰幽即今邠州三水縣是也

幽谷通志云縣在州東北五十里公劉立國處即三

水舊縣

宋敏求三輔圖云邠邑城在治東二十五里為周之

文王第十七子封邠侯詩稱邠伯是也其地即三

水廢縣焉

三水舊城東西六里南北半之遺址尙存  
一統志三水廢縣在治東二十五里即盧芳所據者  
幽亭在州東北五十里

廣延亭新莽更三水縣爲此

夫幽肇封於虞夏疆域綦廣自州泉邑均稱以幽至  
攷篤公劉一章邑之山川悉與幽合而邠州殆所  
謂度其夕陽地耳公劉立國於幽谷當九原九陞  
之中於三水爲近即其京而邑之者按諸書所載  
則舊縣與幽谷同區而幽亭即舊縣地也廢縣與  
邠城同區而廣延亭又廢縣地也今之縣治去舊  
三水縣志

卷之一

十

縣里許所稱中幽者以此

城池

建置自明成化十四年邑尹楊豫爰始謀之迄成化  
二十二年新尹馬宗仁克落厥成鑿以記焉城高  
以三丈基廣以二丈五尺池深以一丈週以五里  
五分有奇西北枕山谷東南臨溪河厥門有四邑  
尹秦渠名其東曰賓賜南曰凝薰西曰志岐北曰  
拱辰緣歲久崩湮庚戌林邑侯重葺其垣樓工竣  
顏南樓以舟翠其四圍各榜厥名翼翼以爲極也

公廡

縣治在按察分司之右當元廢縣時爲巡檢司至明成化年邑尹楊豫築垣以二里三分高以二丈五尺內建正堂五間簷棚五楹而後尹秦渠又建退堂三間因年久傾圮數載邑宰聽政於震風凌雨之下已酉林侯蒞任卽重脩建之經營不日而成顏其大堂曰思輯後堂曰鑑水公堂爲之攸新官衙在鑑水堂後正廳三間扁曰甕香取運甕焚香之義東西廂各三間

鑾駕庫幕廳俱在正堂之東邑庫之前

東列架閣吏戶禮房一十二間

三水縣志

卷之一

十一

西列承發兵刑工房一十二間

戒石亭在儀門之內甬道中唐表以欽若

儀門三間角門二座傍豎馬尹脩城德政碑

迎賓館三間在儀門之外

土地祠三間在賓館之右俱明嘉靖年建林侯重脩省耕樓在縣衙之東

同亭在縣衙之左爲鄉射以觀德林侯新建

譙樓五間甃石作臺下爲大門舊尹劉澇移鐘於上

林侯重建之題二柱云山曰屏維邦之屏八里盈寧崇保障縣名水此心似水三泉澄澈映水壺以

紀勝也

旌善亭在譙樓之南

申明亭在旌善之次

典史衙在幕廳西前廳三間正屋三間東西厦六間  
縣獄在捕衙之前建欽恤廳三間畫一祠一間

察院一座在縣治左廡宇久圯皇華之駐節無其所

林侯蒞之顏厥堂以咨周

即舊分司也

雙槐堡連城西舊誌載爲李思齊屯兵處明季辛巳  
流寇猖獗邑侯高知僉謀申請築城豎橋分立縣  
治倉庫於其上順治七年邑侯王儒復申請葺脩

三水縣志

卷之一

三

歷年倉貯因之康熙乙卯丙辰間林邑侯以隣氛  
未靖爰同堡衆脩城垣通橋道衙宇倉廩漸次重  
新題其堂曰井勸邑紳文倬天手題其亭曰菱柳  
憑高阻深與縣城相犄角調度守禦誠一邑保障  
也

文廟

先師廟在明倫堂之前枕廣原而環汎水自萬曆癸  
未改建歲久傾圯鞠爲茂草辛亥林邑侯先即捐  
俸重脩命諸生張僕等鳩工不三載而廟貌聿新  
又濬泮池久湮者以甃之獲其殘碣始識九十餘

年之未膏者經營告成邑人文倬天撰文鑲以銘  
厥績焉甲寅陽至落成之日邑侯集諸生逞謁或  
紀以詩或叙以文列于後詩文內

先師大成殿七間各邑皆木主而沿舊像之  
東西廡各七間祀乎先賢以輔聖功也

戟門三間置戟其闢門如腳鬲之扃

櫺星門三座櫺星者應門也

泮池一區泮卽泝也泮以象璜有采芹之樂

太和門一座取太和元氣表其大道大德也

啟聖祠在先師殿之左祀其所本也

三水縣志

卷之一

三

敬一亭以講堂爲崇德廣業也

祭庫以掖宰牲房以壩所以備春秋兩祀也

名宦祠翼以左報有功勳於民者

鄉賢祠翼以右表其道義以式閭者

重脩文廟碑在正殿之前

學宮告成題咏碑在戟門之左壁

續脩泮池碑在戟門之右壁

儒學

明倫堂五間簷棚五楹在

先師殿後林邑侯議欲重新未逮但脩葺足蔽風雨

時於朔望集紳衿耆民宣講

六諭鐸書聽者感悅有構訟者自悔請釋題二語云  
非禮勿視非禮勿聽非禮勿言非禮勿動當思仁  
由克己所求乎子所求乎臣所求乎弟所求乎友  
要知道不遠人象之堂柱

博文約禮齋各三間號房東西各七間 久廢

二門一座角門二座東曰起鳳西曰騰蛟

大門三間康熙丁未邑尹李弘名重建

桂林坊在南街射圃在文廟東 俱久廢

卧碑在明倫堂左程子四箴碑藏敬一亭內

三水縣志 卷之一 古

文昌閣在東郊今議移建文廟東

教諭宅在明倫堂後正廳三間東廂房三間

訓導宅在教諭宅右正廳三間西廂房三間

### 神廟

城隍廟在東門內正殿五間饗殿五間川堂三間寢

殿三間鍾鼓樓二座迎禧樓五間東西司房各七

間萬神堂在左寧一宮在右角門二間大門三間

明弘治邑尹馬宗仁張珩同邑人馬致遠相繼脩

建嗣後代有葺脩廟貌維新 乙卯林邑侯重塑其像乃明宣德三年造

關王廟在城隍廟之右頰南闔以鎮邑城也

壇壝

社稷壇在西廓門之外

風雲雷雨山川壇在東澗河之西岸

邑厲壇舊在東郊林邑侯以爲東屬生氣之方者陽也而厲壇所祀主陰事以陰參陽位有礙一邑生養之道壬子自捐俸改置西門之坳外

演武亭在西廓門外林邑侯重脩時集鄉勇演習爲守禦計

祠宇

丞相祠在縣西十五里祀漢唐宋第五倫琦均三丞相

三水縣志

卷之一

七

學士祠在縣西南三十里祀宋學士范祥范育父子沿革

夫三水之邑名肇自西漢不知卽古豳國也后稷之嗣不窳失官自郃而竄於戎翟越數世公劉相度地宜立國於豳谷至十六王始封郃伯於茲地而陰雨及其四國繼周興而又地入王畿東遷之後以其地錫秦之襄公自秦及漢俱屬內史永光改元始置三水縣魏之大武亦如之隋唐以來陸番入訃屢有移易嘗以淳化入三水矣元至正間

又以三水統入淳化明之成化始割淳化之十六里爲此邑尋而弘治間以人逃地蕪裁去四里及崇禎壬午以大荒後又裁四里彙朝沿革不一而一經九緝之幽三水允據其隩區矣志沿革歷代建置

周后稷之曾孫曰公劉爰自戎翟相度地宜而立國於幽谷故爲幽國

周武王巡狩之後陟喬由河以涇渭爲藪澤而幽地列王畿之內

周平王東遷以幽地賜秦襄公

三水縣志

卷之一

十一

秦始皇時幽屬北地郡尋改爲內史

漢高帝初幽屬塞國後屬渭南郡九年郡罷又改入內史

漢景帝二年循郿侯之封置郿邑屬右扶風郡

漢元帝永光元年改置三水縣

新莽復置爲郿邑置芳據之

魏時置護軍省入北地郡

魏大武真君八年復置三水縣入北雍州

西魏太統元年升置爲恒州十四年移於今邠州西

北一十五里



晉罷護軍省屬新平郡

隋開皇三年仍置三水縣屬北地郡

隋大業初爲隴川堡屬邠州

唐時屬京畿關內道

唐代宗元年吐蕃焚略移縣治於職田鎮

唐元和四年復移其古治

梁時屬隸永平軍

後晉改屬晉昌軍

後唐及漢俱入永興軍京兆府

宋時改屬熙河路

三水縣志

卷之一

七

元時移入慶元路後省入奉元路

元至正十八年改治入淳化縣屬鳳翔府

明初改奉元路爲西安府成化十四年復立三水縣

隸於邠州

文光祿曰淳化往卽三水縣宋始自爲淳化縣元始併入淳化而明始各自爲縣也

星野


周禮保章氏按星次分野後世因之觀象察變者  
 鑿鑿不爽蓋陰陽之精在天成象在地成形景移  
 響應其理一也禹貢雍州星躔井鬼當鶉首之次  
 自井十六度至柳八度維秦與豳及北地上郡咸  
 應之天文家以北斗之魁第一星曰天樞灋曰而  
 主秦又以斗杓之用昏建者自華山以西南之地  
 為次則秦豳兼屬焉元命包曰東井主水衡也正  
 義曰井八星鉞一星鬼四星為質一星為鶉首於  
 辰在未皆秦之分野則井於豳為近豳以兩豕分  
 三水縣志

三水縣志

卷之一

六

雍州分野星圖



星野正占

張衡云秦嗣昇北地上郡接壤其星躔自東井十六度至柳八度爲鶉首之次其辰在末

元命包云東井八星主水衡也

天文志曰井宿主水泉及諸侯三公之位明大則封侯建國

西漢書曰東井爲水事其西曲星曰鉞主伺乎奢淫而罰之

正義曰東井八星鉞一星與鬼四星爲質一星爲鶉首於辰在末皆秦之分野

三水縣志

卷之一

九

又曰井爲黃道之所經迺天之亭候主水衡事法令所取平也王者用法平則井星明而端列

天文志曰鬼二度主祠祀之事明則五穀熟

正義曰輿四星主祀事以明察姦謀東北星主積馬東西星主積兵西南星主積布帛西北星主積金玉隨其變占之

晉灼曰輿鬼五星其中白者爲質

西漢書曰柳爲鳥注主水草注作喙也孫炎曰朱鳥之口也

天文志曰柳十四度主飲食倉庫酒漿之事明則人

豐酒食

正義曰柳八星爲朱鳥之味廼天之厨宰也主尙食和滋味

星野附占

太史公曰北斗七星所謂璇璣玉衡以齊七政

春秋運斗極云斗第一星天樞第二天璇第三天璣第四天權第五玉衡第六開陽第七搖光自一至四爲魁自五至七爲杓合而爲斗

文耀鉤曰斗者天之喉舌玉衡屬杓魁爲璇璣

馬融註尙書云七政者北斗七星各有所主第一日

三水縣志

卷之一

三

樞主日法天秦也

宋天文志曰北斗第一星曰天樞其分爲秦

按考要云周禮保章氏掌封域分星以觀妖祥斗之七星亦各有屬不獨杓衡魁三者而已斗之魁第一星主秦也

西漢書曰斗之用昏建者杓杓自華以西南

孟康曰傳云斗第七星法太自主杓斗之尾也尾爲

陰用昏又在陰故應西南

正義曰北斗昏建用斗杓星指寅也杓者華山西南之地也

三水縣志卷之二

文林郎知三水縣事閩溫陵林逢泰重脩

儒學古延州王 採分校

邑人文倬天編纂

張 候

同訂

文龍軒

地理

昔魏校地理之說以為天文起於東南角宿而西北為天門崑崙發於西北軋維而東南薄大海此天地相逆以成造化焉故地理必逆以固其氣大

三水縣志

卷之二

一

逆則氣以大聚小逆則氣以小聚自然之理也幽之地絡本於分水嶺則南北也嶺西有慶州逆折於密須為北幽自西而南逆結於漆縣甘泉為南幽原陞各九而三水據山川陰陽之會為中幽又鎮以石關鑱以九峻地之氣亦以逆而聚之其間廣平為原下溼為陞土厚而水深西漢地理志曰秦地天下三分之一而人衆不過什三此地滿而難為理境曠而難為防也志地理

里甲

周制以五家為鄰五鄰為里四里為族五族為黨

五黨爲鄉鄉萬二千五百戶也同力合作以相守望今之邑必有里合十甲以編之殊異古制則力役粟米所取資焉三水自明成化肇造時爲一十六里至弘治歸併一十二里崇禎辛巳兵荒薦臻次年又併之有八里曰蒲村曰椒村曰職田曰金泉曰原得曰義豐曰南宮曰北宮今入邑版圖云

### 鎮市

周禮地官遺人凡邦野之道十里有廬廬有飲食三十里有宿宿有路室路室有委五十里有市市有侯官鎮其廬宿市之類也所以相民宅待行旅

三水縣志

卷之二

二

防厥不虞焉

職田鎮在邑東北三十里唐時以爲縣至憲宗復移舊治今城二里相傳爲尉遲敬德務農處廟址存焉

張洪鎮在邑西三十里城週二里三分

土橋鎮在邑西南四十里當古公原之衝

底廟鎮在邑北五十里城週二里二分

太羽鎮在邑北二十里城週二里三分舊爲鎮今無集市矣

舖舍

三水之舖十有四所以備傳遞郵命以需急務而東則三舍西則二舍南則四舍北則五舍悉統於邑承發之總舖庶無曠事焉

東路有萬壽舖職田舖北坡舖達馬蘭以通榆林西路有魏落舖原得舖以達邠州

南路有甘峪舖姚家舖排沙舖土橋舖以應淳化

北路有馬坊舖大羽舖甘家舖長嶺舖三家舖以接

慶寧

關梁

天文斗六星曰關梁牛六亦關梁天蓋示人以設

三水縣志

卷之二

三

關造梁爲建邦大政以關所以詰奸梁所以濟人者也幽三面阻乎深溝獨東置石門關以稽營西造聚珍橋以濟衆柰日久廢弛允爲缺典倘仁人君子復起而重建之於以惠斯民良够也

石門關在邑東南兩壁如門甃石爲城舊設巡檢司守之盤詰奸細又於嶺上築岸門重關之險東方

之屏藩也

今巡檢司久廢關以外乃耀淳宜同四州縣交錯之地

聚珍橋在邑西志岐門外舊邑尹秦渠建造雖西溪洪流汜濫利有攸涉也

今橋圯址存

便橋連西城通雙槐堡明末高邑侯創建年久水衝

崩康熙乙卯林邑侯重加脩葺名曰縣橋甃石架木上設堞墻以防不虞

汎水橋在邑南門外夏秋泛漲冬月架木爲梁民不病涉

土橋在鎮城東西門外東之大橋久圯工大難成土人夾溪築小橋行旅便之其西橋數十武今亦崩壞林邑侯捐貲募脩以通往來

細腰橋在縣西四十里接邠州界長六十餘弓平接兩岸細如蜂腰故名

道里

三水縣志

卷之二

四

司險掌九州之圖周知山林川澤而達其道路使人利有所逞况古之道有委積以惠及商旅哉三水之幘幅不踰百里其北抵朔方南接商顏西通金城東距五原可指掌而悉也邑之東九十里爲宜君界又七十里至縣西四十里爲邠州界又二十里至州南五十里爲淳化界又五十里至縣北五十里爲真寧界又十里至縣東南一百五十里至耀州自東而達會省不過三百里通畿甸亦不過三千里也

文倬天曰嘗讀幽風幽頌咸無道及地理者歎幽



雅一章可據以攷其木末水濱之所在按地絡而  
詳徵之三水卽公劉所立國於豳谷之地而朱子  
豳風註以爲在三水者爲豳地之有嶽有岡有原  
有陘有泉有澗其土之廣平爲原水之入地百尺  
沮洳者爲陘傍陘之溥者爲澗故邑城枕澗以依  
水也郊里棲原以順宜也石門落結於邑東漢武  
以此立關卽所謂嶽也嶽爲豳邑之鎮而陶復陶  
穴固自在谷中蓋古公之舊俗陶穴者言土陶復  
者言石石可穿而居如飛雲諸洞是也谷中卽陘  
也陘上之溥而平者是稱溥原溥原之東有細弦

三水縣志

卷之二

五

以扼分水嶺之吭設鎮以職田其西有細腰以抵  
水許之衝設鎮以張洪其北赤坂以樹密姑之障  
設鎮以底廟而原陘之半有太羽以中控之若各  
鎮設防以禦洵三面之藩翰也矧土橋又鼎峙於  
古公原以屏其南形勝之家相其建邦之得地勢  
如此且邑背雞阜之京者抱乎其東面坤水之師  
者環乎其右所謂京山而師水京師之野可爲處  
爲廬而居焉禹貢雍州原陘底績鄭注曰其地在  
豳故豳之地一原一陘交錯而爲田詩之度其原  
陘者其陘可以收流泉之利其原可以行徹田之

法惜乎阡陌開而原以傾側陞以險蹶之不可爲  
轅爲限也夕陽之地邠州以西自涇至於汭外者  
古人皆歸於幽此其居之所允荒歟聊爲之詒以  
補丹淵集白虎通所未悉若夫防禦之策則先有  
太青世父之幽防議及今林邑侯之詳文在

山川

昔虞帝封十有二山濬川是山必表之以爲鎮川  
必通之以爲利也禹貢則九山刊旅九川滌源於  
以祭告而濬導之爰作平國紀焉雍州之山川亦  
在虞夏封濬之內而幽之形名山亦名水自公劉

三水縣志

卷之二

六

景岡而瞻泉相乎陰陽以眎寒燠之宜觀乎流泉  
以答灌溉之益爲授民定居計也陟石門之高巘  
而睇谷中之百泉再登南岡邑前之翠屏垂於水  
口迺觀京岫邑東之雞阜俯乎汎干皇澗之環於  
其後而過澗之繞乎其右也京丘之山水多人跡  
之罕及者卽就目耳所閱一爲摭拾曰山曰嶺曰  
洞曰巖曰峪曰川曰泉曰河曰澗曰湫蓋未可縷  
數焉志山川

幽山

石門山亦名堯門堯鑿之以洩洪水至漢更名石闕

在邑東南爲幽國之鎮高峻插天對峙如門以漢武於此立關而爲名也子午之脉隆結以爲峯焉文太青題云唐堯帝鑿關門通雍州之上界周武王陟幽阜望雒邑之絕峯

肖塢山在邑之東形似七級浮圖直聳干雲巍峨礙日亦石關之支也

石甯山亦名馬關在邑東十五里三面壁立如削一徑蜿蜒若繆水經其下灣環而曲抱可立若以禦兵焉

雞阜山在邑東里許舊縣之城址在其前焉盤迴三水縣志

卷之二

七

如螺突聳若壁俯眎邑隍錯以繡齒侯君集之塚當其麓

翠屏山亦名掛榜幽雅稱爲南岡者蔽邑城其若屏鑠水口以如礪蒼翠欲流迺一縣勝地峯尖有孫真人行祠元夕並二月二日隨山布燈燦若列星焉

焦家山在掛榜之南五里荒岡湧地以起極目荆榛迤東北則萬壑競秀也

戴家山自石門之北而折入焉林木陰翳千巖環拱不復有平壤矣

蘭陵山抵邑六十里日出岬山丹霞掩映誠羽客之  
霽宅奧區灑然出塵壚外

神林山在邑東七十里因上有舊建茂公祠而得名  
也祠雖久廢吞雲吐霧若有霽氣磅礴焉

鳳凰山在邑之西北隅岡若鳳形舊有阿陡堡建於  
其椒今廢址猶存

蟠龍山去邑三十五里蜿蜒盤礴於夕陽之東北繞  
疆土而廻翔之則幽之形勝也

劉家山在邑東四十里舊有炭窠歲供堽場邑民資  
之康熙寅卯秋雨崩陷遂失其利

三水縣志

卷之二

八

分水嶺當邑之東北九十里爲幽山之祖亦幽水之  
母也其嶺上接子午北入大漠嶺東爲延州西爲  
慶州慶之九川畫地而爲幽

堡嶺在邑東三十里即漢之左谷後秦魏武王姚襄  
立寨三百六十而堡嶺其一也嶺之連蜷似龍上  
有元人所建蘭若形勝殊竒而支之傍出者俗名  
龍觜孝子文少蒼易名龍山種側柏千株翠色欲  
滴清泉瀉以百尺峭壁峙其三面攬勝探幽者遊  
屐不絕文倬天有龍山人景詩以紀其事

中嶺在堡嶺之右巖巖數丈可蔽風雨其麓有官家

桑村二洞陶復曲折宋元明之士民多避烽其中攢天巔在石門之南峻轟切雲泝回以登巍乎若上天門之九關也文太青過此改名捫天有詩見後官家洞亦名飛雲洞在中巔之下卽古公時之陶復陶穴者陶穴則土而陶復則石也峭壁危巒不可攀援村人辟兵於其中少叅文和一所稱棧道連雲石梯落霞爲鏡以碣記之

桑村洞在官家之左或爲元西臺御史桑哥失里所穿門依碧流崖懸柏靄久爲攬勝者所取

趙家洞亦名琅天去邑二十五里光祿文太青生於三水縣志

卷之二

九

洞陽之柏下其巖深長寬平可作檻以眺遠內有石屋日月時入其牖烟雲常繞其梯文龍軒爲賦以紀之

流石洞在琅天之右洞開谷中環繞如城而外巖對峙爲門遠睇曲水平田悠然有枕流之思

白石洞在邑東七里文倬天種桃百株於其麓改名爲桃源洞春月紺紅如錦清流若帶奚翹武陵焉黑石巖在邑東南五十里巖色黝淄似漆壁立萬仞林木陰翳人跡所罕到

觀音巖在趙洞之左谷中上則藤蘿垂蔭下則漣漪

紆曲且石室階下翳湫清湛深不可測凡遇驟  
軋祈而輒應

白虎峪在邑西北一十五里卽唐鄭谷詩所謂峪評  
白虎藏岩洞是也茂草四圍長峪七折野境殊爲  
幽清

甘峪去邑十里爲赴省孔道商旅所送還焉水疇高  
低衢柳參差南上五里之長坂通乎古公原

### 幽水

汎川在邑城外抱乎南闔見於許氏說文亦名師水  
取地中有水師之義也灌溉川田民獲其利過邑  
三水縣志

### 卷之二

十

四十里以入於涇

七里川在邑東南接壤其坪舊爲寧谷驛山廻而水  
折去佛面坡不遠乃山徑之中達

勅脩川在邑東北爲後秦姚襄而得名也其源出  
水嶺經乎延川湖泮南奔合皇澗達於涇水

皇澗在邑北二十里當溥原之後澗大故稱皇可夾  
而居也俗訛名爲唐川

過澗亦名梁渠在邑西北一十八里卽文與可丹淵  
集所稱三泉之炭泉者澗起於溥原自北而西南  
過其境爲之過澗焉文光祿謂汎川及兩澗迺三

水之總名也

稍泉在邑南磯頭之隈地湧二泉突出水面波底之石玲瓏如峯泉內之流清冷若玉有螭蜺產於涯間

白馬泉源出於大像寺下其色紺碧每歲陰雨則伏而不流曠輒則湧而溢出人竟莫測其異

溫泉在寶峯峪中其流出爲溫涼河沍寒不澌蘊隆生涼且清甘如飴也以上三泉通志爲邑名所自起

玉泉在玉泉觀之左水冽而甘淵深丈餘水浮岸平

三水縣志

卷之二

十一

有物穢之則涸故以玉名之甲寅夏旱林邑侯禱雨於此立應

金沙泉在邑北一十五里其泉出半川溥原之下通志云昔有人飲此水見金色燦爛故名之唐鄭谷詩謂地湧金泉過石門卽此也

堡嶺泉名龍泉亦名天池在堡嶺絕頂兩面石壁數仞泉自嶺上直流而下徑達堡中昔元人據堡嶺汲飲不斷者賴此

東澗河在城東賓陽門外清流如綫環堞而注於汛水昔人有導之以入城者今廢

西溪河在邑西志岐門外左繞城根右環槐堡學圃者多引灌爲利夏秋水澎湃橋宜防備

連家河在邑東十里發源石門繞中嶺北流入泝水凡山寇往來多經此路

觀音湫去邑二十里在石室之下深湛如淵豐草環翳凡遇天旱禱雨霽感或爲神龍之窟宅也

萬壽湫在邑東北二十餘里當羅唐兩川之交唐大曆八年因風雷湧聚而成淵

石門湫亦名乾湫在秦太子扶蘇廟之下林木芊菱曠軋祈雨虔誠乃應如甘露或見於屋梁樹杪間

三水縣志

卷之二

十二

注之甌以禱此湫之神異者也李邑侯重脩其廟而懸之扁

古蹟

古之名山大川所以稱勝於函夏者匪徒山之嶓川之流極天蟠地形勢之崇隆也蓋亦有神聖高賢之遺蹟焉爾自公劉相陰陽於京野郇侯膏黍苗於溥原三泉之名著丹淵之集雙槐之堡屯元將之兵岫渚莽蒼精靈紆鬱其舊墟故址鑿鑿可探也語曰涉其故丘昔人昇遊睇於道周今人齋諷未言流風睠此都之可懷也雖古人興廢不能



無鶴歸華表之嘆其不昇世俱徂者則惟其人志  
古蹟

公劉京師之野在邑北溥原即半川原溼之中也後  
皇澗而右過澗面南岡以居者

古公鄉在邑南三十里上連土橋迤南即公劉墓  
郇伯封域即三輔圖所謂郇邑城在邑東二十五里  
舊三水之廢縣在此

八王城在唐川中流之間爲後秦姚泓等故隍也舊  
址猶存

扶蘇廟在石門山萬峯中兩壁峙立世傳秦太子扶  
三水縣志

卷之二

十三

蘇授國典三物屢死後成神人爲立廟廟下有泐  
天曠禱雨即應

魏王樓在層巒疊嶂之中舊姚萇爲兄姚襄建置四  
圍竒峯環如屏帳迺大觀也

半川府在邑北十五里唐太宗關中設府兵二百六  
十一屯此其一也以地當九原九陞之中故曰半  
川以屯府兵故曰府左右寺院金石皆勒武義將  
軍之號文少白之家卜居於此

隴川堡在半川之後四面壁立溪澗環之隋大業間  
於此立縣堡北臨河傳爲四仙驛遺跡存焉

雙槐堡在邑西五十步四壁懸崖碧流東繞下有古槐一根二幹故名上有平地二頃官舍民屋卜居焉前高邑侯創始今林邑侯重脩已詳前志兩女若去邑七十里地勢高聳路風之尖齊雲之影南望平行如列足下麓有兩塚存焉舊傳秦扶蘇二女卜葬於此

秦塏在邑城東北隅高十五丈七級八角二十四窻甃砌其工其陰建寶塏寺

舊志載唐吐蕃入寇塏經火焚積久損傷塏遂東斜萬曆間邑人文運開葺之順治甲午六月十日地震仍端正如初辛亥舊屯廳沈光禧聞其勝槩捐資築垣邑士庶因重脩焉叠棚連梯陟嶺眺遠

三水縣志

卷之二

十四

乃一邑奇觀

少塏在邑西寶峯院前朝納磯頭之雲夕迎翠屏之月長河環抱景致殊幽

惠濟院在兩平村傍金大定三年勅建今雖荒廢而有布金之遺踪云

洪福院在邑南十五里有鏡以文有石以記雖天琴久沉而故址可思

大像寺去邑東里許金大定元年脩建基踞高阜俯眎邑城若繡齒焉白馬之泉源出其麓翠屏之岫雲邏其前昔爲邑僧會司

久廢

寶塏寺在泰塏之陰浮圖峙面崇岡枕背佛殿軒麗  
紺馬翱翔時有高僧托足亦幽谷之叢林也

舊址頗廣相傳爲唐時大利經火無存天啟六年  
邑人文毓鳳同諸生王遂昌張心昌等相地鳩工  
建殿五楹莊嚴佛像康熙丁未邑象  
又建大悲佛母堂三間地藏殿一座

寶峯寺在邑西温涼河之上唐太和三年建師水東  
奔而回抱赤嶺西繞以盤紆可以眺遠

金泉寺以金沙泉獲名在半川府之東中有偃蓋之  
松亭亭獨秀法遵白象地布黃金一方資爲福地  
洪仁寺在青胄原唐時勅建遠山含青以曲繞春原  
展翠以參差頗堪寓目

三水縣志

卷之二

十五

淨土天王寺在邑南三十里宋淳化三年勅建界開  
人天法衍龍象碣記出自御製地勢蓋崇隆也  
福延寺在邑東北五十里北週二十畝金大定三年  
勅差侍郎阿典建內有古松一株蒼翠欲滴遠望  
有凌空之致

莊嚴寺在前涅陽邨大元七年勅差中書省右丞周  
德建遠睇平田川原交錯成景致焉

龍巖寺去邑東南四十里金大定五年耶律監造紺  
碧繡錯今雖荒廢而遺址尙宏敞也

悟空寺俗訛爲無功寺在邑東四十里千尺石崖穿

鑿爲洞長五丈濶三丈陶復石室聯絡七所匪徒爲禪關亦可以避兵也

堡嶺寺在邑東三十里元人勅建一徑通乎嶺嶺常霏花雨三面繞乎河帶時聞天琴前泉流王後岫列屏洵爲勝地又有高僧超公延安人卓錫於茲寺閉關焚脩八十年所一日沐浴合掌書偈貽弟子曰八十年來如掣電臨行與汝通一綫形骸脫落如金蟬一性圓明空裏現四海無若似片雲十方世界遊履轉遊履轉見不見倒騎泥牛入祖殿書畢涅槃而逝今遺龕猶存焉

三水縣志

卷之二

十六

玉泉觀在玉泉之右故名內有古柏數株溜雨參天森然如虬龍之蜿蜒儒學劉翀有詩以紀之

附墳墓

侯君集墓依雞阜山爲唐之勲臣遺墟獨存不見有翁仲云

馬沼墓在邑東北十里其堡頭誌石因崩而出居民毀之

范祥范育墓俱在縣南原太慈村二塚相望舊碑巋然

第五均墓在邑西三十里蒲東舍之間按第五氏墓

表云先世出齊田橫之後諸田徙園陵者多故以  
次第爲氏舊雲陽靖川人後徙三水子孫因以爲  
家焉

五女塚與第五氏墓相比元祐間碑文在其塚內未  
審何故也

文儀部少白墳在縣北南宮之文林左環白石嶺右  
邏東澗河屬艮山支龍以隆結焉

文少叅和一墳在半川之東南二里艮龍結脈坤水  
開堂塚左側有孝子少蒼廬墓三年之遺跡存焉

劉偁墓在縣西蒲泉舍康熙十年奉勅諭祭葬建

三水縣志

卷之二

十七

塋立碑以旌其忠節

田賦

周禮以九賦歛財賄五曰邦縣之賦制自冢宰而  
大司徒又以土均之灋辨五物九等王天下之地  
征以收財賦咸宗禹貢以齊厥政也禹貢雍州厥  
土惟黃壤厥田惟上上厥賦中下今之幽土稱原  
陁同乎下下其賦不翅上上是以民流地荒斃於  
鞭笞而求豁無策矣幽稱原陁之野者以其高爲  
原其下爲陁幽有九陁而邑當其中陁則其復穴  
之隕也自陁登原則爲四閭之田徙原下陁則爲

川澤之賦凡側蹶之坂樵牧之地盡坐之以糧公  
劉徹田之漙不可復覩矣志田賦

### 地糧

考舊志自成化立縣之始載地七千頃內有  
山嶺水灘原不行糧之地後增宗米與夏蘭  
紅古倉之改徵布價又那倉之秋糧司庫之  
佃糧靈臺之倉口俱改蘭州增銀二千四百  
四十餘兩萬曆間馬州判夾地妄報山溝增  
地二千二百頃通計地八千二百餘頃額糧  
二萬六千餘石及明末兵荒疊  
臻累年賦逋無庸備載今依

國朝賦役詳  
列於後

原額五等共地八千二百二頃四畝九分五釐  
不同共額糧二萬六千一百七十二石七斗五升

### 三水縣志

### 卷之二

十八

七合九勺零徵銀二萬七千四百四十四兩三錢六  
分零順治七年免過荒地四千五百九十五頃八  
十五畝五分二釐二毫免糧一萬四千六百一十  
二石六斗二升三合九勺零除銀一萬五千三百  
二十兩三錢四分五釐零康熙八年秦屬蠲免案  
內免過興屯捏報地四百七十六頃四十九畝二  
分零豁糧一千四百三十八石一斗七抄零除銀  
一千五百七兩六錢四分五釐零

實在地三千一百四十九頃七十畝一分六釐  
實在糧一萬一百二十二石一斗三升三合七勺零

徵銀一萬六百一十二兩三錢七分四毫零

今丙辰因軍需

匱乏議於鄉宦糧銀每兩加徵三錢惟生員百姓不徵

### 戶口

按舊志立縣後一千八百四十有二戶三萬一千三百八十有二口及裁併里甲逃亡六百三十餘戶邇年隣寇擾攘逃亡益衆古今之異盛衰之感能勿勤恤與

原額民戶三門九則共折下下門六千四百八十五

丁除優免四百四十三丁實行差六千四十二丁

內豁逃亡一千一百五十五丁秦屬蠲免案內免

招回虛捏七百四十六丁

實在丁四千一百四十一丁

康熙十一年編審新收四十一丁

### 三水縣志

### 卷之二

十九

徵銀九百四十兩五錢四分一釐零

今編審收除見在詳請

均徭銀原額一千二百一十八兩五錢三分一釐四

毫內除荒銀六百八十兩四錢一分零秦屬蠲免

案內免銀六十六兩九錢零

實徵銀四百七十一兩一錢六分五釐一毫零

匠價銀二十八兩二錢一分五釐

停免銀六十九兩二錢五分九釐六毫六忽

軍籍銀三百二十兩五錢四分六釐九毫八絲二忽

一徵九織八塵七渺

### 起運

按賦役舊書載起運內夏稅有寧夏鎮寧夏倉甘鎮永昌倉固鎮岷州倉固原州倉各處小麥折價秋糧有延鎮榆林廣有倉寧鎮大壩堡倉甘鎮西寧倉甘肅倉固鎮蘭州廣積倉各處粟米折價又固原州倉延鎮神木倉馬草折價宗祿有韓府秦府瑞府祿米又有西安府常濟庫麥米塩布并節裁九釐各等項名色今驟更名地丁起運歷來皆徵折色起解自甲寅軍興改徵本色米豆草束有糧派銀派二項運納省倉及撥運各處軍前其徵折色僅十之一而民累益甚屢經詳請

地丁并裁克各項共起解銀一萬一千七百三十一兩八錢五分三釐三毫二絲一忽五微六纖七塵

六渺

存留

三水縣志

卷之二

二十

古者設官授祿而在官者祿足代耕以及祭祀教養之儀經制甚備歷因兵餉節裁不一今以軍興緊裁克餉所留無幾故即原額而備志之

經費襍支等項共徵銀七百三十五兩六錢四分一釐一毫九絲九忽二微二纖九塵二渺

經費

本縣知縣一員

俸薪油燭傘扇

原額銀七十五兩四錢九分內議裁除荒豁免外實徵并應增銀二十兩

五錢七分  
三釐零

心紅紙張

原額銀二十兩內除荒豁免外實徵并應增銀九兩一錢四分三釐零

宅家伙

原額銀二十兩又裁



脩理倉監

原額銀二十兩內除荒豁免外實徵并應增銀九兩一錢四分三釐零

吏書一十二名

原額銀一百二十九兩六錢八分

門子二名

原額銀一十四兩四錢內議裁除荒豁免外實徵并應增銀五兩四錢八分零

皂隸一十六名

原額銀一百一十五兩二錢內議裁除荒豁免外實徵并應增銀四十三兩八錢九分一釐零

兩八錢九分一釐零

馬快八名

原額銀一百四十四兩內議裁除荒豁免外實徵并應增銀六十一兩四錢四分零

民壯五十名

原額銀三百六十兩內議裁除荒豁免外實徵并應增銀一百三十七兩一錢五分九釐零

五五分九釐零

燈夫四名

原額銀二十八兩八錢內議裁除荒豁免外實徵并應增銀一十兩九錢七分零

看監禁子八名

原額銀五十七兩六錢內議裁除荒豁免外實徵并應增銀二十一兩九錢四分

三水縣志

卷之二

二十一

錢四分五釐零

轎傘扇夫七名

原額銀五十一兩四錢內議裁除荒豁免外實徵并應增銀一十九兩二錢二分

二釐零

庫書一名

原額銀一十二兩八錢

倉書一名

原額銀一十二兩八錢

庫子四名

原額銀二十八兩八錢內議裁除荒豁免外實徵并應增銀一十兩九錢七分零

斗級四名

原額銀二十八兩八錢內議裁除荒豁免外實徵并應增銀一十兩九錢七分零

典史一員

俸薪原額銀三十一兩五錢二分內除荒豁免外實徵并應增銀一十四兩四錢一分九毫零

書辦一名原額銀七兩二錢八分

門子一名

原額銀七兩二錢內議裁除荒豁免外實徵并應增銀二兩七錢四分三釐零

皂隸四名

原額銀二十八兩八錢內議裁除荒豁免外實徵并應增銀一十兩九錢七分零

馬夫一名

原額銀七兩二錢內議裁除荒豁免外實徵并應增銀二兩七錢四分三釐零

教諭一員

裁缺

訓導一員

俸薪

原額銀三十一兩五錢二分內除荒豁免外實徵并應增銀一十四兩四錢一分九毫零

喂馬草料

原額銀一十二兩內除荒豁免外實徵并應增銀五兩四錢八分六釐零

齋夫六名

內裁三名原額銀三十六兩內除荒豁免外實徵并應增銀一十六兩四錢五分零

膳夫二名

原額銀四十兩內議裁除荒豁免外實徵并應增銀六兩九分五釐零

書辦一名

原額銀七兩二錢久裁

三水縣志

卷之三

三十一

門斗五名

內裁三名原額銀一十四兩四錢內除荒豁免外實徵并應增銀六兩五錢五分零

廩生二十名

原額銀一百九十二兩久裁

雜支

春下并清明等節

原額銀四十二兩內除荒豁免外實徵并應增銀二十兩三錢七分

六釐零

秋丁并七月十五等節

原額銀四十三兩內除荒豁免外實徵并應增銀二十兩

九錢三分二釐零

鄉飲

原額銀六兩內議裁除荒豁免外實徵并應增銀一兩四錢六分三毫零

脩理倉廩并舖墊板席

原額銀二十兩內除荒豁免外實徵并應增銀九兩七錢

三分五釐零

濟邠州水北棗渠二渡水夫二名原額銀九兩六錢內議裁除荒

豁免外實徵并應增銀二兩三錢三分六釐零

解邠州船木原額銀二兩六錢六分六釐內議裁除荒

置買刑具原額銀一十兩內除荒豁免外實徵并應增銀四兩八錢六分七釐零

各舖司兵二十三名原額銀九十二兩內除荒豁免外實徵并應增銀四十四兩七錢八分

錢八分五釐零

鍾鼓樓更夫三名原額銀七兩二錢內除荒豁免外實徵并應增銀三兩五錢四釐零

解布政司紙劄原額銀五兩一錢內除荒豁免外實徵并應增銀二兩四錢八分二釐零

孤貧九名口糧原額銀二十五兩九錢二分內除荒豁免外實徵并應增銀一十一兩九錢八分

錢八分八釐零

三水縣志 卷之二 三三

孤貧冬衣布花原額銀四兩五錢內除荒豁免外實徵并應增銀二兩八分零

走遞馬匹夫役工料原額銀八兩後裁止留馬三匹驢四頭

馬夫四名損夫三名原額銀四百七十九兩二錢內除荒豁免外實徵并應增銀一百五十四兩二錢一分八釐零今又裁驢四頭馬夫一名損夫三名工料銀克餉

歲貢盤纏二年一辦每年原額銀一十八兩內除荒豁免外實徵并應增銀八兩七錢六分

舉人盤纏三年一辦每年原額銀一十二兩內除荒豁免外實徵并應增銀五兩八錢四分

錢四分一釐零

進士坊價三年一辦每年原額銀一兩五錢內除荒豁免外實徵并應增銀七錢三分一毫零

錢四分一釐零

進士坊價三年一辦每年原額銀一兩五錢內除荒豁免外實徵并應增銀七錢三分一毫零

錢四分一釐零

以上經費樵支等款除舖司兵工食紙劄春  
秋丁祭夫馬工料孤貧糧布半裁外餘全裁

### 驛站

漢屬武關驛協站銀六十四兩一分一釐一毫零入裁

起運

臨洮府屬狄金二縣驛站銀二千一百六十七兩六

錢八分八釐五毫零裁入起運

鞏司清水所夫牛工料銀三兩三錢五分七釐五絲

裁解克餉

課程銀一十六兩三錢入起運

換帖銀一十一兩七錢解克餉

## 三水縣志 卷之二 三十四

學田原額地上下不等共二頃七十一畝零徵租麥

一十石四斗二升八合五勺穀一十石四斗二升

八合五勺此項原為賑給貧生之需餘者變價克餉今議全裁

畜稅原無定額因集市盈虛收稅多寡儘數起解今遭寇變城鎮虛耗矣奉文議增見在詳請

地稅舊額三十兩嗣奉督憲鄂題請以地稅不宜定額儘其所得起解民甚便之蓋三水土瘠

重買置稀少也今照江南例小縣議增二百兩見在詳請

鹽法額引六百張本縣食河東鹽山溝間阻商販不

侯招商運鹽按季銷引民始稱便

茶法本縣山僻之邑民不嗜茶路不通馬因怵於比較功次煩以報為累

爾外史曰三水古幽谷枸邑雍州所為原隰底績

者是也攷神禹則壤之年懷襄初平宜於西北之高燥不宜於東南之卑濕故雍惟上土而楊惟下土今則高燥變而磽坼卑濕變而膏腴雍之黃壤不及楊之塗泥矣原者變爲溝渠濕者變爲澗壑幽之峭寒又不及秦川大邑之沃衍矣篤公劉之篇曰幽居允荒蓋統三幽而言之故地廣民稠也今則民逃而地荒矣又曰徹田爲糧言上有公田之養下無私田之稅故其蓄積足恃今則履畝加稅而二猶不足矣幽風之二章曰爰求柔桑其三章曰八月載績今則不桑不麻休其蠶績矣漢隋宋元以來史稱其力穡務本俗尚勤儉者非盡天性良由地勢使之然也幽處叢山荒谷之中幅隕不踰百里而溝嶮嶺難居其強半側蹶隄确草結石埒麥豆穀蕎而外百無一產居乏懋遷商販裹足不前民貧賦逋多流亡而鮮土著職此故也明自成化置縣以水川原坡塹五等爲則而飛灑影射畝科失實賦之不均自此始其後沿至嘉靖一變於五項之改添嗣至萬曆再變於均丈之妄報地止七千頃而科糧增至二萬六千有奇實倍於秦川大邑之右賦之重以益重而民之逃以益逃

雖十六里節裁爲八里然里裁糧未裁也我朝薄賦蠲征豁荒糧萬四千六百餘石善矣嗣而順治十三年以興屯捏墾復爲民累至康熙八年始豁虛糧千四百三十餘石民因其少蘇乎乃續荒九百八十餘頃以造冊愆期不得與秦屬一例蠲免者幽民抑何多不幸也適自甲寅軍興改徵本色撥運省倉及軍前蜚輓維艱且派夫百六十名從陳倉運至漢川費受數倍乙卯歲派車七十九輛因登溝懸崖從無車載每輛折夫二十名運抵涇平兼之寧寇焚掠逃亡八百餘丁名雖八里實三水縣志

卷之二

三十六

去其半今丙辰歲復派夫驢一千四百餘名從雲棧黑水大泥三路進勦隨軍葶食爲期尙賒其爲費不貲約畧計之三年之間浮費不翅與正賦等而且間架有稅矣地稅議增矣額外之供億日繁而額內之存留者槩裁克餉矣嗟嗟以萬有餘爾之正供尙苦莫支矧益之以慘遭寇掠費糜千萬匪從天降匪從地出民生之膏血幾何竊恐民逃者之不至盡逃地荒者之不至盡荒不止也司牧林邑侯勞心撫字屢牘請豁雖持籌者心俞其艱苦而軍興旁午安能使之足民而兼以足兵裕食

而兼以裕餉也其亦處于兩窮之勢矣乃民苦賦而重苦之以鹽法茶政也則尤有可議者山僻而招商不至民貧而運鹽無資銷引踰期食淡者衆是食河東鹽不如食花馬鹽之較便也又况半菽不飽何知春芽羊牛無牧誰畜龍友指子虛爲私販以烏有爲功次種種苦累是在善後者之變計耳總之古此柵幽今此柵幽也地瘠賦重而民以窮民窮而戶以逃戶逃而地以荒地荒而賦以逋始之累民而寃至於累官顧安得公劉之篤愛郇伯之陰膏早爲之計或豁其荒糧或蠲其遠運而三水縣志

卷之二

三十七

風俗

孝經載孔子之言曰安上治民莫善於禮移風易俗莫善於樂禮節民情樂和民聲政以行之刑以防之禮樂政刑四達而不諄則王道備矣周元公爲冢宰時爰制禮樂以輔成王述后稷公劉之化迺作豳風以戒之厥後仲春擊土鼓歛幽詩以逆暑其仲秋迎寒亦如之所以知天時而授民事上以誠愛下下以忠利上祭祀有時燕饗有節王化

行而風俗之美如此語曰百里不同風千里不同俗豈限於高山大川之風氣而習俗亦隨之變異哉志風俗

### 交際

戴禮曰凡交際者七介以相見也不然則已慤三辭三讓而至不然則已蹙甚矣來必以恭也幽人之初謁長相也必以幣以程久則差之至於吉禮則布帛兼餽凶禮則以牲食恒儀則以羊醴從其實也

### 婚禮

三水縣志

卷之二

三十八

釋名云婚者昏時以成禮也古者有問名文定之禮有納采行幣之典及期有奠鴈親迎之儀不相賣也今幽之士大夫家有違文公禮以行猶不能盡合也至於比閭弗克舉者助以成儀亦有爭其財禮互相詬訾者失厥古風宜痛革之

### 喪制

檀弓述孔子之語曰三年之喪吾從其至者謂其自盡也而服闋又謂斬衰唯而不對齊衰對而不言其哭若違而不反也大功言而不議三曲而偯小功總麻議而不及樂哀容可也禮則有不再踰



者國之士大夫依家禮以行者有之至於齊民信  
堪輿盛幡幢浮費無益亦有守制衣帛拜喪婚娶  
司風憲者當釐其弊焉

### 祭祀

易云王假有廟致孝享也尚書又云鬼神無常享  
享於克誠誠敬也而孝亦爲敬惟敬以用享則明  
馨之薦矣至於葬祭之禮文太青酌文公家禮分  
以三獻幽之士大夫有遵以行者若夫寒食掃墓  
孟冬送衣長至元旦設位祭享士庶兼行焉

### 幽風八章

周公以成王未知稼穡之艱難故陳  
后稷公劉風化之所由使瞽矇朝夕

### 三水縣志

### 卷之二

二十九

諷誦以  
戒之

七月流火九月授衣一之日罽發二之日栗烈無衣  
無褐何以卒歲三之日于耜四之日舉趾同我婦子  
饁彼南畝田畯至喜

七月流火九月授衣春日載陽有鳴倉庚女執懿筐  
遵彼微行爰求柔桑春日遲遲采芣苢女心傷悲  
始及公子同歸

七月流火八月萑蒿蠶月條桑取彼斧斨以伐遠揚  
猗彼女桑七月鳴鴈八月載績載公載黃我朱孔陽  
爲公子裳

四月秀萋五月鳴蜩八月其穫十月隕穉一之日工  
貉取彼狐狸爲公子裘二之日其同載纘武功言私  
其縱獻豸于公

五月斯螽動股六月莎鷄振羽七月在野八月在宇  
九月在戶十月蟋蟀入我牀下穹窒熏鼠塞向墜戶  
嗟我婦子曰爲改歲入此室處

六月食鬱及薺七月亨葵及菽八月剥棗十月穫稻  
爲此春酒以介眉壽七月食瓜八月斷壺九月叔苴  
采荼薪樗食我農夫

九月築場圃十月納禾稼黍稷重穋禾麻菽麥嗟我  
三水縣志

卷之二

三十

農夫稼稼既同上入執宮功晝爾于茅宵爾索綯取  
其乘屋其始播百穀

二之日鑿冰冲冲三之日納于凌陰四之日其蚤獻  
羔祭韭九月肅霜十月滌場朋酒斯饗日殺羔羊躋  
彼公堂稱彼兕觥萬壽無疆

篤公劉六章

召康公以成王將蒞政當戒以  
民事故咏公劉之事以告之

篤公劉匪居匪康迺場迺疆迺積迺倉迺裹餼糧于  
橐于囊思輯用光弓矢斯張于戈戚揚爰方啟行  
篤公劉于胥斯原旣庶旣繁旣順迺宣而無永歎陟  
則在嘯復降在原何以舟之維王及瑤鞞琫容刀

篤公劉逝彼百泉瞻彼溥原乃陟南岡乃覲于京  
師之野于時處處于時廬旅于時言言于時語語  
篤公劉于京斯依蹒蹒濟濟俾筵俾几既登乃依乃  
造其曹執豕于牢酌之用匏食之飲之君之宗之  
篤公劉既溥既長既景乃岡相其陰陽觀其流泉其  
軍三單度其隰原徹田爲糧度其夕陽幽居允荒  
篤公劉于幽斯館涉渭爲亂取厲取鍛止基廼理爰  
衆爰有夾其皇澗迺其過澗止旅廼密芮鞠之卽  
幽外史曰篤章歛幽詩卽七月之篇而幽雅幽頌  
獨缺鄭氏三分其篇及變音節之說未有考據或

三水縣志

卷之二

三十一

以楚茨四篇爲幽雅思文良耜諸篇爲幽頌朱子  
猶疑之姑闕焉可也然周自公劉遷幽厚於民事  
克篤前烈王化所由起篤公劉一什所云嶠澗隰  
原與幽相協朱考亭之釋幽谷蔡仲默之釋雍原  
殆本此歟故錄繼幽風以志幽立國之始云

文倬天曰周之天下列爲十五國而國各有其風  
與俗焉諸侯每歲采之以貢於天子天子受之以  
頒於樂官於以考其俗尙之美惡而知其政治之  
得失也漢書曰幽風一詩言農桑衣食之原甚悉  
力穡務本其民有公劉遺風而隋書又言幽人敦

龐務農業而尚蓄積宋志云幽之士田礲瘠其俗  
貴乎勤儉穆然見一十五國之風惟幽爲醇幽自  
公劉立國之後風俗淳厚上下之情交相忠愛周  
公攝政采其風化被之管絃令瞽矇朝夕諷誦以  
戒成王使知稼穡之艱鷄今之俶載者建寅以序  
具仲春則播菽亦于耜舉趾之遺也亞旅力耕主  
伯以饁其風猶存倉庚載鳴女之執筐求桑無幾  
數年以來比戶學紡而篝燈以織庶乎卒歲之有  
資其載績之義乎初夏而厥秀惟萋盛暑而厥鳴  
惟蜩鬱奠之可食去寒似遠不知純陽以歷一陰

三水縣志

卷之二

三十三

四陰穰冬之計宜預謀也大火西流授衣伊始棗  
可剥也稻可穫也爲酒以供老衍賓而瓜壺苴茶  
備農之恒食幽人長少之有節如此又純陰之月  
納稼畢而大寒屆期群入以執官功薰鼠使不得  
穴其中室穹使不能導其風禦寒之術較密又社  
北之牖塗戶之踈招婦子以室處愛幼之義每歲  
行之及滌場而鄉飲之禮肇舉兩尊敞於房間而  
羔羊朋酒躋公堂以稱觥曰萬壽無疆其忠貞之  
奉乎上者又無窮也公劉之遺澤及幽而有以變  
其俗閱十三世元公采之作幽詩以風後世至宋

而其臣有繪七月圖奏於上而書諸御屏矣柰垂  
世褻久習尚漸漓游惰抗敝多通賦輕去其鄉幽  
風之化寢衰故元人傷之敢述其遺俗稍述爲采  
風者疏其大略焉

三水縣志卷之三

文林郎知三水縣事閩溫陵林逢泰重脩

儒學古延州王 採分校

邑人文倬天編纂

張壯猷

文崇袞 同訂

名宦

國語曰古聖王之制祀也澆施於民則祀之以死  
勤民則祀之以勞定國則祀之能禦大災則祀之  
能扞大患則祀之非是族也不在祀典故夏棄開

三水縣志

卷之三

粒食之源殷冥有澹水之績神禹建平土之德商  
湯立式圖之功民被其澤薦飶香於萬載而後之  
循良遺愛群請配官社官稷以並祭所謂入其祀  
而凜然則尸祝之者是也幽之先公劉相度郇伯  
勞來漢魏元勲功著史冊其宦績昭然而入祀者  
寥寥數人即近今邑侯仁政卓越不克配食瑣官  
殊為激昂應列其官守為幽人百世之思降而閭  
師黨正亦所不敢略也志名宦

宦蹟

夏公劉

姬姓后稷之曾孫鞠陶子也復脩后稷之業  
乃相度地宜立國於邠谷治疆場實倉廩建

若立宗分田授衣力備暇儼養老祭饗  
備見幽風幽雅二詩歷九世皆都於幽

慶節 公劉子

皇僕 慶節子

差弗 皇僕子

毀隄 差弗子

公非 毀隄子

高圍 公非子

亞圍 高圍子

公叔祖 亞圍子

古公亶父 公叔祖子 岐山改號曰周

三水縣志 卷之三

周 郇侯 文王第十七子也為周卿士封梅邑能勞民

漢 鄧禹 有紀望風以降禹以上郡北地安定三郡饒

蓄積於是引軍北至郇邑休兵養士以觀其敵

邑人盧芳開門歸附駐數月民賴以寧後帝勅

馮異 光武時赤眉延岑暴亂三輔帝遣異代禹討

馮異 光武時赤眉延岑暴亂三輔帝遣異代禹討

後魏 賀拔岳 字阿斗泥尖山人初為太學生能左右

識者咸異之大統

賀拔勝 岳之兄也岳被侯莫陳悅所害孝

兀桑哥失里 歷西臺御史守官家洞及明大將徐達

朱春珍 嘗為三原縣尹同失里在洞謂其妻曰吾當以死報國妻曰卿能盡忠妾不能盡節乎亦俱投堦下死

縣令

宋李沐 字公澤睢邑補備捕弊庶務振舉胥猾一見洞其情為哀矜恤刑獄無冤民激貪勵俗稱

為清白之宰邑民思之繪其像於圓寂院有德政堂記見後祀名宦祠

金宋九嘉 字飛卿夏津人登黃裳榜進士歷高陵藍田扶風三水四縣令皆有能聲入為右警

巡使應奉翰林好古博雅嘗集紳師道趙天佑馮叔獻諸作勒石有序

明楊豫 字素定清苑人舉人值縣治新設屢歲凶荒賑濟有法仁厚化民風俗丕變祀名宦祠

馬宗仁 字本元直隸新樂人思貢生剛明有為築城鑿池百廢興舉其創脩城池記及德政

碑見後

三水縣志

卷之三

三

喬聰 山西鄉寧人監生

劉淵 四川閬中人監生

劉璿 直隸人監生

田賦 山西人監生

趙璽 山西沁水人監生正德七年任增脩城垣創建南門邑民稱治

張宗 山西臨汾人監生正德十五年任

趙應奎 直隸衡水人監生

劉儀 字來鳳湖廣安陸人舉人嘉靖十年以新都教諭陞任慶官清約威伏藁疆庠著

所脩

張珩 四川漢州人舉人政治寬和建敬聖祠



李璞

直隸饒陽縣人監生卒於官

侯臣

字世勳山西解州人治尚嚴明綽有氣節創脩石門巡檢司並預備倉廩二所

李時春

遼東鐵嶺衛人監生嘉靖十九年任公平剛果置文廟錫祭器二百件

錢若愚

雲南宜良縣人舉人嘉靖二十二年以簡州學政陞任有才幹作興士類創首耕樓

傅廷佩

遼東人監生嘉靖二十五年以衛經歷陞任政尚寬平施有條理

虞鯉

山東朝城縣人監生

楊永錫

山東安東衛人舉人嘉靖二十九年任倮儻不群邑之巨奸大猾重置之法豪彊帖

吳之翰

湖廣蘄州人舉人敏才灼識摘奸發伏加意學校隆崇廟祀垣宇門堦多所葺脩後

三水縣志

卷之三

四

陞綿州知州

楊津

雲南昆明縣人舉人以教諭陞任清苦自持矜恤民瘼至今猶稱清楊焉

劉滂

河南杞縣人舉人取京別用

盧守

直隸長垣縣人監生任未幾改真陽知縣

崔士偉

山東武定州人舉人隆慶二年任謙冲自牧下車勅即以病訪諸紳士得其可者

李遷

北直武強縣人監生隆慶四年任廉明有威胥役至狡者咸奉公守法尤飭躬勵行

諸人不敢干以私方

雷振化

河南沈丘縣人監生

程業儒

四川人監生萬曆元年以教諭陞任

郭 濂 山西襄陵縣人舉人清苦儉約下車即革

秦 渠 字子澤山東臨清州人思貢萬曆八年任

以備文獻

李 先 四川蓬州人舉人萬曆十年任

方本清 字子任河南南陽中護衛人思貢性慈有

濟水渠十餘所茂績丕著可稱循良

梁 檟 山西平遙縣人思貢原任直隸趙州判官

賈一鶚 順天霸州人庚辰進士原任山西猗氏縣

州司主事

張啟蒙 山西猗氏縣人舉人萬曆十七年任歷二

三水縣志 卷之三

五

周 克 河南河南府人思貢萬曆二十年任歷六

許百朋 河南登封縣人舉人萬曆二十六年任歷

王三才 河南陽武縣人歲貢萬曆三十年任除蠹

謝三詔 河南偃師縣人舉人萬曆三十四年任與

侯加纓 山西解州人思貢萬曆四十年任秉性端

陸敏學 山西大同縣人癸卯解元萬曆四十四年

之稱歷任三載以時艱解綬歸

王 璉 山西汾陽縣人思貢萬曆四十七年任操

謝東魯 河南衛輝府人歲貢天啟二年任歷任五

宋 珂 湖廣人歲貢崇禎元年任以病告歸

唐萬齡

南直淮安府人選貢崇禎三年任勸農禮

孔弘燮

雲南籍曲阜縣人歲貢崇禎七年任歷任

詞被論去

高知

河南登封縣人由保舉崇禎十二年任時

庫於雙槐堡紀在豎碑

國朝

王儒

字含三山東濰縣人歲貢順治二年任才

堪濟變撫馭多方請復脩雙槐堡之公署倉庫以為城守犄角之勢歷任八載陞冀州知州邑人為建生祠豎遺愛碑焉

方自策

滿州籍拔貢順治九年任歷任二載以被

李開先

字仲展北直任丘縣人拔貢順治十二年任催科有法正賦外毫不苛擾歷任五載

三水縣志

卷之三

六

以丁內艱回籍

韓允嘉

字媧石山東淄川縣人進士順治十八年任以撫字為催科以文章為政事因丁外

艱回籍

李弘名

號濟菴浙江仁和县人壬午鄉薦癸未會

自守歷七載以錢糧考成左遷松江府倅

林逢泰

號彙菴福建晉江縣人丙子鄉薦癸未會

立政嚴明甫下車釐弊剔奸慨然有澄清之志百廢聿舉觀縣治傾圯則出于橐先倡之建公堂憲署築城垣戍樓脩文廟泮池以興文拓武場同亭以振武改邑厲壇於西移養濟院於南麓西溪河之便橋葺雙槐堡之倉廩禁遠賣以全子女疏鹽法以優商民崇理學講鐸書校士得人省刑息訟歷歷政績皆關吏治風化之源而其潔已愛民勞心撫字如豁荒糧改徵折色

免車輛夫驢雖軍興旁午不憚屢詳爲民請命  
至於訓練鄉勇殺賊全城出首逆書  
上臺有足見忠貞事平優叙之褒時當大亂而  
民竟無異志茲又重脩邑誌以垂文獻於不朽  
云已載邑誌外史及詳文  
中皆其實錄無待贅詞

邑尉

古之邑設有尉前列綵仗所以司捕務而禁強暴也居職雖卑有親民之責况昔之顯官名流亦多發軔於此途者乎苟盡厥職均足以垂紀載而不愧焉

宋田臯

明鄧俊 成化十六年任值縣治新設佐理甚多

王全

閻金

雷宇

三水縣志

卷之三

八

陳寵

孫洪

趙紳

王鉞

韓弼 山西代州人

游自言 四川成遠人明敏有為

殷章

于時高 山東冠縣人有才幹

劉華

王世臣

冷 采 四川仁壽人

郭 朝 延安保安人

田 耕

畢 淮 北直融縣人

李 天祥 湖廣漢陽人

邵 良士 河南汝州人

潘 封 江西南建平人

王 承業 北直薊州人

朱 家禮 湖廣黃崗人

鳳 世臣 江南溧縣人

三水縣志 卷之三

九

董 三重 山東濟陽人 崇禎 年任

陳 士章 江南六安人 崇禎 年任

郭 東周 山東昌邑人 崇禎 年任

吳 正巳 山西臨汾人 崇禎十三年任

國朝

曹 士聘 江西吉水人 順治二年任

江 時亮 浙江仁和人 順治十三年任

宋 嘉印 浙江餘姚人 康熙三年任 卒於官

張 易震 北直大興人 康熙五年任

李 弘寬 福建仙遊人 康熙十三年任 卒於官

張繼華

江南徐州人康熙十四年任

三水縣志

卷之三

十

教職

官以教名教化所自出間師黨正古先聖王所不敢輕而况州邑之間哉後世或視為閒局漫不加意無怪乎有其責者之不能盡厥職也幽邑學校之官不可勝錄今錄其賢者以示勸焉

教諭

先有教諭訓導二員康熙三年裁缺止留訓導一員今因捐納議增一員

明鄧茂

人成化十六年任

程良杰

四川舉人成化二十年任

楊時俊

四川人弘治三年任

康平

直隸人

三水縣志

卷之三

十一

王紳

直隸獲鹿人

高昇

河南臨潁人陞山海衛教授

蔣棫

四川墊江人嘉靖十五年任

左贊

四川大邑人監生

王紳

山西平順人監生

陳宗禮

南陽衛監生嘉靖二十年任紳有治才陞王府教授

盛宗伋

河南孟津人監生

馬崑

山西夏縣人監生克敦師道陞晉府教授

趙立

山西代州人監生

岳鍾英

湖廣江陵人舉人課士勤懇陞興平知縣



俞時中

湖廣蘄州人舉人訓士克勤陞岐山知縣

馬同軌

四川南部人監生沉厚博雅陞松蕃衛教授

賈玠

山西徐溝人監生萬曆三年任

高彥臣

山西繁峙人監生陞應州學正

張大譽

漢中洋縣人監生

晉子脩

漢中寧羗州人萬曆八年任

閻相

河南洛陽人歲貢萬曆十一年任致仕

郭復禮

河南南召人歲貢萬曆十三年任

高寰英

雲南鶴慶人舉人

馬升龍

鞏昌人歲貢

三水縣志

卷之三

十二

國朝

封璋

延安宜君人歲貢順治二年任

王良棟

鞏昌階州人恩貢順治七年任嚴正課士

石玘

鳳翔人歲貢順治十年任

蔣士俊

漢中南鄭人歲貢順治十五年任

張鑑

鞏昌通渭人歲貢順治十六年任

訓導

明游 廣

人成化十四年任

辛思顏

四川賓城人成化十六年任

朱 璣

四川樂至人

彭 順

四川合江人弘治元年任

張瀚海

河南睢州人

張 鳳

四川廣安州人監生

郭 岐

山西高平人

袁 吉

河南舞陽人監生

周 斐

四川大竹人監生陞蜀府引禮

三水縣志

卷之三

十三

吳 賢

四川人

周 制

山西絳州人嘉靖十五年任

夏 儒

四川墊江人教士端方陞零陵教諭

楊世豪

山西五臺人陞山丹衛教諭

王 翰

四川德陽人訓士有方陞韓城教諭

楊 本

四川安岳人致仕

馬 榮

四川瀘州人頗有詩才陞鳳翔教諭

王九經

山西淇洞人監生

郭 聘

四川內江人課士亦勤陞蘄水教諭

楊守正

河南陝州人致仕

王 達 四川青神人萬曆三年任陞名山教諭

蘭 室 四川閬中人監生致仕

馬思中 河南浙川人監生萬曆八年任

孫世奇 四川新都人歲貢

顏問邦 北直魏縣人歲貢

范茂韓 甘肅衛州人歲貢

吳守敬 平涼人歲貢

國朝

熊 琦 山西大同人歲貢順治三年任陞甘肅教諭

馬之選 延安葭州人歲貢順治五年任陞鎮原教諭

三水縣志 卷之三 十四

宋善士 漢中南鄭人歲貢順治八年任陞長武教諭

張 垓 漢中褒城人歲貢順治十年任卒於官

高 詠 延安米脂人歲貢順治十四年任陞清水教諭

王建極 鞏昌秦州人歲貢順治十五年任奉文裁缺回籍補臨潼訓導

張樂泮 鞏昌漳縣人歲貢康熙四年任卒於任所

王嘉賓 鳳翔岐山人歲貢康熙五年任卒於官

王 採 延安延川人歲貢康熙十年任

鄉賢

禮器云昔先王尙有德尊有道任有能舉賢而置之則天下大治是以一鄉之賢關一邑之重輕爲比閭所儀型故曰觀於鄉而知王道之易易也幽爲公劉化行俗美之鄉山川間氣所鍾豈無強學待問力行待取以自立者不斷其威不會其謀以特出者不臨深而爲高不加少而爲多以獨行者賢有不侔統爲降雨出雲之彥故特表而著之以聳風於百世志鄉賢

人物

三水縣志

卷之三

漢第五倫

字伯魚京兆人東漢丞相其事詳載於史傳邠志云賜田宅三十六所三水歸義

鄉蒲東社乃其一也倫因居焉卒年八十餘祀鄉賢祠

第五頡

倫之子歷桂林蘆江太守所在見稱順帝之爲太子廢也守闕固爭帝即位擢爲將

作大匠

第五種

字興先倫之曾孫永壽中以司徒掾詔使冀州廉察災害還以奉使稱職拜高密侯

相遷兖州刺史中常侍單超兄子匡爲濟陰太守負勢貪放種命從事收匡賓客親吏糾發其賊五六千萬并以劾超超積恨遂以他事陷種竟坐徙朔方後得脫歸會赦

盧

芳

字君期王莽時天下咸思漢德芳因稱武帝曾孫劉文伯本邑豪傑立芳爲西平王

使使與單于和親遂立芳統漢中部等邑建武十六年芳請降封代王後有異志光武遣吳漢征之不克單于遣數百騎迎芳留單于中

第五訪

字仲謀倫之族孫也少貧備耕以養兄嫂政平化行遷張掖太守歲饑訪開倉賑濟吏懼謹爭欲上言訪曰若須上報是棄民也太守樂以一身救百姓後順帝

魏傳

植字

武西狩沙沱平江陵有功累遷大總都督

封沂源公

周皇甫璠

字景瑜性平和貞守以清白自處永安中軍建德初為隨州刺史政存簡惠百姓安之卒謚曰恭

隋皇甫誕

字公慮璠之子剛毅有為周畢王用為參軍隋文帝受禪出為魯州長史俱有能名上以中州百姓流亡令誕為河內道大使檢括之及還奏事稱旨命判大理少卿尋轉左丞時漢王諒為并州總管上以誕公方著稱拜總管司馬諒甚敬焉及煬帝即位諒謀作亂誕苦諫

三水縣志

卷之三

十六

諒怒而囚之尋抗節遇害帝下詔褒顯贈柱國封弘義公

皇甫無逸

字仁儉誕之子為涇陽太守政治有聲大業間以弘義公故賜爵平輿侯入為右侍郎

唐侯君集

字少雄才高祖時入侍秦王幕府從征伐有功擢左虞侯車騎將軍後為交河大總管將兵擊高昌下二十一城八千四百六戶勒石紀功而還進封洛國公君集本以行伍奮不知學後貴益自喜讀書及為尚書典選分明課最有譽於時魏徵嘗稱君集宰相才貞觀十七年圖形凌煙閣御贊曰洛汭之役龍戰未决公之應變臨陣電拔風來虎壯鼉轉山沒遂作心膂從討伐衝圍戰勝火逆冰裂禽如鷲聳縱若鯨突功成國定萬古壯骨

第五琦

字禹珪倫之後少以吏幹進頗能言富國當轉江淮租庸兼諸道鹽鐵使隨事轉御史不益賦而用以饒軋元二年進同平章事祀

賢祠

宋文彥博

字寬夫仁宗時同富鄭公知平章事朝有  
得人之頌平居接物謙下尊德樂善惟恐  
不及有長者風逮事四朝任將相五十年立朝  
端重公忠直諒臨事果斷得大臣之體功成退  
居朝野倚重焉九十二歲以太師卒於家進封  
路國公謚曰忠越九世傳之孫海海之孫汝昌  
於幽

范

祥字晉公進士及第自軋州推官遷殿中丞  
通判鎮戎軍元昊圍城急祥率將士退之  
請築劉蕃堡定川若後知慶熙華三州調議鹽  
法刑獄皇祐中遷度支員外郎權轉運副使祀  
鄉賢祠

范

育字巽之祥之子舉進士為涇陽令嘗從程  
張學作正蒙序時有薦以召見授崇文校  
書監察御史裏行元祐初知熙州後為戶部  
侍郎卒紹興中贈資文閣學士祀鄉賢祠

三水縣志

卷之三

十七

焦

寅字先生遊喜談兵先生悅其言  
宋康定時人少與橫渠  
倫之後性喜典墳個儻有威儀能

第五均

字振興學校累官至司空參知政事後自涇  
陽徙居幽之蒲  
東社祀鄉賢祠

元第五居仁

字士安倫之後博通經史躬率子弟力  
農嘗行田間遇竊已桑者仁輒避之鄉  
里高其行生徒蒲門皆學明  
行脩門人私謚曰靜安先生

蕭元義

字務農桑築寨立石隱居一十三年以避兵  
焉

明文

振字察御史賦性剛直權執莫撓其法京師以  
鐵面稱之嘗以言見謫克吏三日土壘三日素  
志不渝陞河南按察司僉事更擅政聲未幾陞  
雲南交趾廉使以病卒凡邠文族縉  
紳之流悉振裔也見通志鄉賢中

劉

澤字惠民任廣安州判陞為知縣執法不  
每食惟青菜一味蜀人皆曰青菜劉陞雅州知  
州即單車之任惟行李一挑撫按薦云百為能  
傲乎古一廉足勵平俗陞夔州府同知時  
入觀冢宰有我輩不如之歎後陞僉事

文

在中字少白年十九登解元二十三中會魁廷  
除之語惡其刺已而抑之終授祠部郎未三十  
挂冠歸建樂育書院日講內聖外王之學士之  
員笈從遊者以數千計所著有觀宇天經等書  
時有關於西夫子之稱生平孝友天植周恤族閭  
邑人為建減糧永

文

運熙字和一振之曾孫在中季父也萬曆癸未  
過目成誦一視十行有神童之稱初仕中書科  
巡十庫陞工部員外郎權浙江南新關力剔重  
筭商賈建祠戶祝之未幾陞紹台海防參議  
甫視事即挂冠歸里課農教子以樂天年

三水縣志

卷之三

十八

文

在茲字少公在中胞弟萬曆辛丑進士聰穎過  
人日數行下長古文辭常作八分楷字有  
銀鈎鐵畫之妙一時  
咸推為衡山伯仲

文

翔鳳字太青在中長子庚戌登進士第三任三  
陽文學政事並著嗣提督山右學政晉之  
人文一變繼擢光祿少卿日惟閉門著述潛心  
皇極經世之學一時貴達公卿經年不獲覩其  
面得其片言無不著蔡奉之所著有太微經九  
極篇曰皇極南極西極東極北極天極地極人  
極物極著述甚多世人感  
以為堯夫之後一人而已

杜

應強字乾齋應奎堂兄也弱冠領鄉薦初就河  
南開封教諭陞南陽令耿介廉明邑人誦  
之曰杜母歷任三載  
遷成都別駕致仕歸

第五

嗣先字石嶽第五倫四十九代孫賦質端穎  
校著證學集仕為贊皇令建學宮崇文教積義  
倉粟以賑士置漏澤園以掩骼躬脩滹沱水堤

著有茂績擢金華郡丞適值倭寇督兵進勦而渠逆授首丁艱告歸讀禮家居調族教子後隱於甘峪之谷淮園種樹每誠子孫母隕越祖宗出處家風云

**文毓鳳**字太彤在中仲子壬子鄉薦初授山左武城令心慕絃歌廣敷道化未幾奉母西歸結廬於終南之御宿川隱焉笑傲山水日與諸弟子講論勿輟所著有森園集琳園學水園草至今艷美文氏一家者咸以三蘇二程為儷云

**第五縉**字彪宇漢第五倫五子代孫萬曆庚子科鄉薦學宗橫渠初授廣文於鄧重脩橫渠

張夫子祠五闕歲陞來安令懃懇課士如鄧時擢兩淮鹽運司副疏通鹽法力絕苞苴廉潔之聲益著其特立有如此

**文運衡**字澄吾萬曆己酉與胞兄運徵同舉于鄉初任山西黎城令轉昌平知州性耿介多

才能陞開封府同知督理河工著績擢衛輝知府歷三載遷蔚州道致政歸年八十卒

三水縣志 卷之三 十九

**張任**字碧岑萬曆戊午鄉薦初任原武尋調臨

計部主事差兩淮餉務再差山右糧儲以不器飛輓加級陞湖廣衡州府太守未幾張憲忠入寇舉家卒于難

**趙鳳雛**字霞城崇禎丙子鄉薦為平陸令却安置

銀二百兩還驛驛驛四十匹水藁自矢蔡中丞薦之有操守無玷清苦自甘之語歲餘以疾卒視歸之日陸民擁泣紳衿各以賻助始得還葬云

國朝

**文濤**字雪崖毓鳳仲子少有駿才戊子廷試通判改授河南布政司理問委署襄城蓋弊

剔奸課士訓農饒有政聲歷二載以疾卒於宦邸闔邑賻助視始歸里焉



科目

夫周官取士以鄉三物擾而賓興之始六德曰知仁聖義中和厥命之的繼六行曰孝友睦婣任卹厥按之履終六藝曰禮樂射御書數厥肆之行所以汝翼汝為者或以德進或以行舉或以言揚止分其選士俊士造士進士辨論官材而爵之不聞有科目之名其科目自漢唐始建初七年辟士以四科太和八月勅對以十帖列名於慈恩會燕於曲江列甲乙而用之厥典盛矣幽之科目較別邑有差所謂風俗係於先達制置存於有司者錄而

三水縣志

卷之三

二十

著之如國史補之詳臚也志科目

進士

王制大樂正論造士之秀者以告於王而升諸司馬曰進士國史云進士為時尚久矣俊父由其中出終身為閩人而事業裔皇繇此基焉非徒為馮瑒題名杏林聚燕取榮已也

明

萬曆甲戌科

文在中 字德克別字少白登孫繼臯榜進士初授淮安府教授陞國子監博士遷禮部主事

萬曆癸未科

文運熙 字和一在中季父登李廷機榜進士初授中書舍人陞工部員外郎遷浙江紹台

備道 參議

萬曆辛丑科

文在茲 字少全在中興第登許辨榜進士初授翰林院庶吉士不仕以終養歸卒

萬曆庚戌科

文翔鳳 字太青在中長子登韓敬榜進士初授山東萊陽令調河南伊陽又調洛陽陞禮部

主事遷山西提學擢南京光祿寺少卿

國朝

順治己亥科

文倬天 字叔明運熙曾孫登徐元文榜二甲進士初授湖廣衡州府推官

順治辛丑科

馬象麟 字敬瑞登馬世儉榜進士初授浙江桐廬縣知縣

三水縣志

卷之三

三十一

舉人

記曰王命卿大夫論秀士升之司徒曰選士以登於賢書漢建元初始詔天下舉賢良方正極言敢諫之士而孝廉出於其中唐太和間勅貢舉人先試大經小經次對正義及論議各一首考覈放及第宋元明又試以八股則人才蔚興皆利賓之彥矣

明

永樂乙酉科

吳興

字 任四川雅州知州

弘治壬子科

馬良佐

字 未仕卒

弘治辛酉科

三水縣志

卷之三

二十二

文朝宗

字 任四川大竹知縣

隆慶庚午科

文在中

字少白中式鄉試第一名登甲戌進士歷任禮部主事

萬曆癸酉科

杜應強

字乾齋歷任成都府通判

文字健

字 任河南商水知縣

萬曆丙子科

文運熙

字和一在中季父倬天曾祖登癸未進士歷任浙江紹台兵備道參議

王禹錫

字 未仕卒

萬曆戊子科

第五嗣先

字石嶽漢第五倫四十九代孫歷任金華府同知

萬曆甲午科

文在茲

字少公在中胞弟登辛丑科進士授翰林院庶吉士

萬曆庚子科

第五緯

字彪宇漢第五倫五十一代孫歷任兩淮鹽運司副

文翔鳳

字太青在中長子登庚戌科進士歷官至光祿寺少卿

萬曆癸卯科

文運昇

字啟陽授四川羅江知縣未仕卒

萬曆己酉科

文運徵

字未仕卒

三水縣志

卷之三

三十三

文運衡

字澄吾徵之胞弟歷官至衡輝知府陞山西蔚州屯牧道

萬曆壬子科

文毓鳳

字太彤在中仲子授山東武城知縣

萬曆戊午科

張任

字碧岑歷任湖廣衡州知府

崇禎庚午科

文倬天

字淑明運熙曾孫登己亥科進士授湖廣衡州府推官

崇禎丙子科

趙鳳雛

字霞城授山西平陸知縣

崇禎壬午科

杜統先 字承業 授山東武城知縣 未仕卒  
國朝

順治戊子科

馬象麟 字徵瑞 登辛丑科 進士 授浙江桐廬知縣

康熙己酉科

張壯猷 字克其 偁之長子

歲貢

貢之以歲名者法宋間歲一舉之意也如洪武歲貢而思擢之以超用臺諫萬曆廷試而首拔之以列職府縣雖用不一格而致君澤民奏冊楫鹽梅之勲同揆焉外此而覃恩以選特典以拔皆雲漢作人之盛事云

明

郭毅字無阿以老致仕年貢任工科給事中守職

袁錠字洪武年貢任江西道監察御史

文振字洪武年貢任雲南道監察御史

喬微字洪武年貢任河南鈞州知州

崔文輔字成化年貢任贊皇知縣

三水縣志 卷之三 三五

郭堅字成化年貢任廣安州判

第五安字均之後成化年貢任廣安州判

高遠字成化年貢任教諭

文彬字西城兵馬指揮性行剛介有祖風烈年貢任

趙欽字弘治年貢任鹿邑主簿

第五德字弘治年貢任兵馬指揮陞夔州

劉澤字弘治年貢任廣安州判陞犍為

蒲劍字弘治年貢

馬驄字弘治年貢任河內縣主簿

陳厚字弘治年貢任射洪縣主簿

麻一正 字

弘治 年貢

第五寧 字

弘治 年貢

王賓 字

正德 年貢任營山教諭

郭經 字

正德 年貢任安肅教諭

董懋 字勉之

太原府訓導

九叔九疇之父正德 年貢歷任

燕明 字

正德 年貢

師文 字

正德 年貢任永平府照磨

楊憲 字

正德 年貢任澄封知縣

楊和 字

正德 年貢

喬木 字

微之曾孫濟民之父正德 年貢

三水縣志

卷之三

二十六

李瑋 字德瑞

逢時之父嘉靖

年貢任遼東都

張厚 字

嘉靖 年貢

曹厚 字

嘉靖 年貢授七品散官

張金 字

嘉靖 年貢

劉宗儒 字

嘉靖 年貢

劉良臣 字

嘉靖 年貢任閩中主簿

萬世真 字

嘉靖 年貢任徐溝知縣

楊垂 字伯舒

嘉靖 年貢歷任沁源縣教諭

李逢時 字

嘉靖 年貢任山東鄒平縣主簿

文星 字天象

朝宗之子嘉靖

年貢任綿州判

官陞雲南安寧提舉未蒞任回籍交人敬

而不諂處鄉群而  
有別恬雅士也

呂孟魁

字

嘉靖

年貢任溫江縣主簿

董九疇

字師禹嘉靖

年貢賦性高曠惟嗜詩書

董九叙

字應舜疇之兄嘉靖

年貢授任丘主簿

喬濟民

字仁夫嘉靖

年貢任順慶府照磨陞王

張騰霧

字府紀善嘉靖

年貢

張世傑

字嘉靖

年貢

萬順寧

字靜之嘉靖

年貢任蒲州訓導致任歸

任國用

字學正嘉靖

年貢授萬泉訓導陞薊州

文官

字君右運開運盛運際運熙之父在中之

祖也嘉靖年貢個儻不群躬自課農諸

三水縣志

卷之三

三十七

子暨孫並教業儒俱曳青紫未仕卒贈中書舍

馬秉直

字養浩嘉靖

年貢任山西鄉寧知縣討

侯堂

字桑峪之馴盜戮嘉靖

年貢任四川訓導

吳重熙

字希堯嘉靖

年貢任壽光縣丞

第五盛

字嘉靖

年貢

張拱極

字仰陞嘉靖

年貢授襄陽府判陞蜀府

張師顏

字長史嘉靖

年貢

張拱樞

字隆慶

年貢

文應聘

字克珍星之子運衡之父隆慶年貢任

人敬慕擢四川成都府通判致仕歸贈奉政大夫



文運開

字時泰在中在茲之父隆慶年貢初授漢中府訓導陞冀州學正封禮部主事

劉鴻漸

字萬曆年貢

許惟一

字萬曆年貢

燕國光

字萬曆年貢

張自爲

字默齋任之祖萬曆五年選貢授河南輝縣主簿轉肅府奉祀

文運盛

字以楷隸飛白馳名授四川大竹知縣

文運際

字時會運開胞弟萬曆癸未選貢試國學監元授山西壺關知縣

史有恒

字月溪萬曆丙辰歲貢歷陞保安教諭

張標

字揚宇萬曆年恩貢歷陞山東文登知縣

文字美

字望雲萬曆年貢歷任四川巴州同知

三水縣志

卷之三

三十六

吳祖周

字萬曆年貢

馬之晉

字相石秉直之姪萬曆年歲貢敦厚恬雅任山西聞喜訓導陞韓府教授致仕歸

年八十五卒

文運通

字潛虛萬曆年貢歷官四川東川府通判

文運溥

字近字府年貢歷任湖廣岳州府知府

文懷珍

字光隅年貢授寧羌州訓導未仕

文崇古

字太樸年貢未仕卒

文在濬

字德淵運際之子年例貢授山東館陶縣少尹

第五璵

字璫林嗣先仲子崇禎元年恩貢授山東陵縣知縣陞信陽知州

文崇本

字德立應聘之孫崇禎年拔貢歷任山西大同府通判

張養初 字也星 縣教諭

年貢授江夏縣訓導陞郡

王遂昌 字泰宇 崇禎

年歲貢未仕

張倬 字鼎岑 任之胞弟 崇禎 年由功貢授辰州府經歷

任應光 字文熙 崇禎 年歲貢授山西介休訓導

文明冠 字吳欽 翔鳳長子 崇禎 年功貢署寧夏教諭 所著有雪詩五千首 幽谷跋坂歌

國朝

第五瑛 字脩伍 嗣先子 順治乙酉恩貢授漢中訓導陞秦州學正

崔含玉 字 順治 年恩貢考註州判

文翼世 字堯天 順治 年歲貢

姚新唐 字雍熙 順治 年歲貢未仕卒

三水縣志

卷之三

三十九

馬象麟 字徵瑞 順治三年拔貢 戊子北闈中式登

馬用行 字岳海 順治五年歲貢 傳學善書 授延安府學訓導

馬御世 字得一 順治戊子副榜 恩貢授四川成都府通判

文濤 字雪崖 別號澹菴 毓鳳仲子 順治戊子副榜 恩貢廷試 通判 改授河南布政司理問

第五淑顏 字若愚 瑛之長子 順治五年拔貢 授山西忻州同知

張運會 字泰徵 順治八年歲貢 授寶雞縣訓導

文震鳳 字羽君 濟次子 順治十年歲貢 授安化縣訓導 未仕

文明會 字昊華 翔鳳次子 丙子副榜 順治十二年歲貢 授漢中府西鄉教諭

周崇雅 字淳夫 順治十二年拔貢 授福建寧化縣丞

第五眼 字秋陽 緯之子 順治十三年歲貢 候選教職

張

侗

字周人任之弟壯猷之父順治十七年歲貢由教習授福建海澄知縣

文

鼎

字龍文通之孫順治十八年恩貢候選縣丞

第五璿

字虞采順治十八年歲貢候選縣丞

鄭永昇

字 康熙二年歲貢

張瑞圖

字熙天康熙九年歲貢

趙錫福

字時五鳳雛仲子康熙十一年歲貢候選教職

文崇徽

字德美運衡季子康熙十三年歲貢候選教職

朱貞吉

字祥符康熙十五年恩貢

第五淑會

字若魯瑛之仲子康熙十五年歲貢

文龍軒

字黃庭翔鳳孫康熙十七年歲貢

監生

三代以來莫重於國學大司成崇先王詩書禮樂以造士尊首善也幽之太學生代不乏人亦漢之槐市齊之稷下彬彬追古昔有餘矣

王王鼎

字彛章監生任山西猗氏縣丞明敏有才陞廣東徐聞縣知縣

張大猷

字贊皇任之子以生員入太學考註州判

第五淑燾

字文昭璵之仲子以增廣入太學考註州判

第五淑愈

字文起璵之季子康熙十一年拔監

馬乾吉

字彙菴象麟之子以生員入太學考註州判

武職

漢武帝曰將軍者國家之爪牙也怒形則千里竦威振則萬物伏是以聲名暴於荒外威稜憺乎寰中而國繫以安危焉幽自盧侯之功垂天壤而後之非常挺出亦不乏人間有微長足錄雖一時一事節取焉可也志武職

明杜應奎 字海宇萬曆癸丑武進士初授遼東清陽守備屢建奇功天啟中特擢為壩上總兵多謀略力舉千斤常戰塞外臂中鹿鏃剛骨療之神色自若有古名將風及歸里寇逼門庭率蒼頭軍大破之邑賴以全邑俗不知織紡募女師以教之邑地不務稻禾開淤土以種之至今戶食其利咸欲建祠以報焉

三水縣志

卷之三

三十二

杜可相 字肖海應奎子貌魁梧喜騎射有父風以邊功授蘭州守備勦寇屢建殊勲陞靖遠參將繼遷寧夏左協副將及逆闖入關隱居石巖不出

國朝

劉 偁 字我敬少有大志不甘以耕鑿終其身遂從事行伍屢以戰功授滇南義勇前營總兵會水西之亂率師征之奮戈大戰賊衆披靡縱騎追逐悞陷大澤淤中賊弩環射不屈而死

吉建瑩賜祭三壇遣藩伯躬奠焉

紀登雲 字鳳山起行伍驍勇敢戰初任邠州守備分防幽淳遇警報至即策馬前行或以宜先塘報上聞登雲曰待殺賊回方塘報可也陞袁州都司歷崇明春江遊擊遷吳川參將

趙英 禮縣人三水籍康熙十三年實授邠州營把總駐防三水縣

張虎臣 本縣蒲村里人四川督標隨征都司

樊國棟

富平人本縣刑房典吏斬賊首一顆

魏夫定

職田里人鄉練總斬賊首二顆

崔永寧

北宮里人鄉練總斬賊首一顆

趙中魁

義豐里人鄉練總斬賊首一顆

喬坤

職田里人鄉練總斬賊首一顆

許稔

南宮里人鄉練總斬賊首一顆

李必造

北宮里人縣役斬賊首一顆

李從貞

原得里人縣役斬賊首一顆

趙安

涇陽縣人斬賊首一顆

鄭國棟

金泉里人斬賊首一顆

王浩張巽郭洪蛟

俱本縣人同斬賊首一顆

其餘殺傷賊衆尙多但無首級可據始闕不錄

董正

職田里人守北城禦賊死之

第五小根

南宮里人禦賊死之

幽外史曰古者有文事必有武備合文與武而一

三水縣志

卷之三

之故其時之人才入可爲相出可爲將未嘗專以防禦之任責之武弁也抑古者寓兵於農合兵與民而一之故其時之百姓無事則耕有事則戰未嘗專以堵殺之功責之行伍也此其法學者多稱周井田尙已矧知其實本於公劉之遷幽也哉公劉知文與武之不可偏廢也故啟行有干戈威揚之備陟降有鞞琫容刀之威知兵與民之不可或分也故胥原甫定卽寓其軍三單之制於徹田爲糧之中而周家遂奉爲一代兵法之祖周公爰取以象師之卦曰地中有水師君子以容民畜衆其

義實始基乎此也後世惟唐府兵爲近古迨一變爲召募再變爲曠騎而兵與農遂終分而不可復合矣今得此意以惠我幽人者其惟 林侯之訓練鄉勇戡逆賊以全幽城乎幽環千山萬壑之區底廟北接真寧職田東連宜君張洪西距邠州土橋南抵淳化而東南石門關則耀淳同宜交錯之地以西安之形勢而論幽乃西安咽喉耀淳涇原之唇齒也以幽之形勢而論底廟乃幽之咽喉石門又幽之唇齒也邇自平慶變亂以來椒村各堡寧寇無日不肆蠶食底廟職田一帶隔真寧僅一

三水縣志

卷之三

三四

川溝則幽之宜防者一而所稱取險要者莫如石門關七里川一帶懸崖峭壁古號天塹奸宄出沒無常則幽之宜防者又一幽邑承平日久民不知兵邠州營分防本縣城守及土橋二處步兵不滿三十人馬僅一二匹以斗大山城逼處寧寇震隣之日汎廣兵單守孤援絕是可不爲寒心哉我侯蒿目艱危屢請添兵鎮守并移令邠州營多撥駐防而邠營回稱無兵可撥矣然不撥兵則民稀可慮多撥兵則民窮又可慮至賊來而後調兵賊退而兵再擾則民之始苦賊繼苦兵更可慮我侯是

以起而訓練鄉勇使兵無浚民之傷民無供兵之累其卽公劉寓兵於農之遺意乎且建同亭以較射置羊酒金錢以鼓舞之請免其丁徭以優卹之日夜躬巡雉堞爲士民先或勸以宜移西堡圖自全侯毅然不可曰吾當與城存亡耳復出首逆書曉以忠孝之大節民皆踴躍競奮至於死守經載日受隣寇焚掠而民竟無叛志當乙卯年三月二十七夜寧寇二千餘潛來襲城城民止四五十家防兵止二三十人變起倉卒我侯身被其創乃奮臂一呼鄉勇四集隨征都司張虎臣同西堡一帶

三水縣志

卷之三

三十五

居民從西門殺入防守把總趙英同中一堡居民從北城殺入東堡居民從東門殺入陣斬僞把總魏景振一員奪賊旗一杆梟賊首二十一顆其餘殺傷無筭賊遂潰散奔竄居民僅斃二人倉庫無恙其時之斬賊舉旗獻馘公庭者趙把總張都司而外典吏則有樊國棟其人鄉總則有魏夫定崔永寧趙中魁許稔喬坤若而人居民則有趙安鄭國棟王浩張巽郭洪蛟若而人縣役則有李必造李從貞若而人余故備誌之以見我侯之能固結民心而死守孤城也如此我幽人之知大義不甘



從賊忠愛其上也如此嗟乎當逆寇煽亂之時安  
定天水北地上郡諸郡縣之望風附賊者何可勝  
數而此彈丸黑子之幽巋然獨存自非我侯湛恩  
汪濊涵濡於民心之深烏能使之效死勿去固守  
巖疆卒爲西安保障有如是耶允若茲則羊叔子  
之緩帶輕裘足以折衝千里范希文之胸藏甲兵  
足以驚破賊膽下此而置免之野人何非公侯干  
城無衣之澤袍皆爲同仇矛戟又安在文與武之  
不可相兼兵與農之不可終合也哉

隱德

周易乾之文言曰君子不易乎世不成乎名遯世無悶樂則行之憂則違之確乎其不可拔此德而隱者也難以幾矣若夫隱逸之士言必先信履必中正行脩于已而善著于鄉可謂恒其德焉幽之飄飄凌雲拾遺金而不昧超超脫俗施棺粥以濟貧捍災制變積誠感神豈非賢豪間者耶魯哉空谷足音百禩猶聞風而破慕之志隱德

馬致遠

字少以家值多故遂棄功名遊京兆間於舞生壇門拾五十金訪為龍門大戶所遺即還其人晚年尤好義恤貧脩葺廟宇享壽八十餘有

三水縣志

卷之三

三七

司屢旌其門曰高士云

文翹鳳

字天傳邑學生倬天之父秉性孝友少而勤學舞象遊於泮試輒前茅杜門究舉子業閱二十載志不少衰又繼父之志力行善事助任門人五十金完其婚娶法袁了翁三千行履乎格言煮粥以濟里貧施棺以掩道殮其孝父則養志而順親其居鄉則撝謙而惠藹故學使君三舉其德行有施棺濟貧順親愉志之語堂兄光祿卿首贊之為吾家顏回膝下曾參也豈止人不知言乎

張心昌

字見心邑增廣生個儻多奇節崇禎卯辰間蝗旱洊臻昌相度地勢開縣河南北兩渠灌溉數村明末不逞之徒聚眾作亂禍及全邑陰合鄉勇同撲滅之地方安堵一時有丈夫

趙元翰

字特中邑學生家貧嗜學事嫡母溫清盡孝撫諸姪如已子鄉評推重屢舉德行

應試三原遇一峽冠博帶者命講大學一章元  
翰意其鄉先生也因與講論畢峽冠者曰是一  
好秀才也忽不見  
其誠格有如此

孝行

孝經引孔子之言曰先王有至德要道以順天下者莫大於孝夫孝者德之本百行之原也士之資於事父以事母而愛同資於事父以事君而敬同愛敬有叙忠順不失然後能保其祿位而守其祭祀士之孝也故曾子所謂孝必有三小孝用力中孝用勞大孝不匱者非徒雞鳴緹櫛以盡溫清其必博施備物使之弗忘無怨乎幽之厥菑肯於播獲寸心報以春暉或不乏人而能小杖伏受以娛萱堂結廬墓傍以終典禮其九原九陞之中立身

三水縣志

卷之三

三十九

行道揚名於後世僅此一人而已志孝行

孝子文竑中

字少蒼少參運熙子司理倬天祖也幼夙慧讀書一覽不遺以恩例入太

學能臨池作飛白書諸生愛而敬之性仁厚不以父爵有貴介氣鄉人某曾特酒侮之惟溫語慰去無芥蒂意慈親嘗怒泣而受杖起敬起孝父卒水米不入口者五日強而後粥斷葷酒聲色廬墓三年有白兔出隧青鶴巢松之異邑人舉之直指特疏旌表縣官歲給穀布迄今猶存純孝可風二扁云

節烈

孔子論詩以關雎為始者閨壺之內係王化之原而幽閑貞靜所以奉神禱之統理萬物之宜三代興廢未有不由此者也幽之節婦烈女煇乎彤管

者凜凜冰姿冒白刃而不思媮媮蘭篋垂青史以  
知名咏雪才比謝娥斷杼嚴如孟母殉夫步夜臺  
之月守孤履機堂之霜於以扶風化而砥末流遺  
芳其不泯歎志節烈

烈女焦玉兒

冰心貞潔夜有惡少持斧迫挾玉兒  
苦拒不從遂遇害事聞 撫按命有  
司以體殯葬葬坊牌旌之曰玉兒白刃在先死  
不受汚有烈丈夫之風又曰潔身忠貞不為強  
暴所汚刑布  
之第一流也

節婦馬氏

生員吳重賢妻夫早故氏年二十五值  
家寒微寒丁孤苦獨堅守節歷三十年  
餘聞學排薦邑尹奏  
表其門曰貞節

節婦文氏

少白女幼聰穎喜讀書長適某家高夫  
受年二十二夫以疾終子在 守節  
三水縣志 卷之三 四十

三水縣志

卷之三

四十

節婦羅氏

父家凡父所著天經等書每一稿出氏手為編  
次教子親為講導茹荼歷艱稱未亡人四十年  
如一日所著有幽居草第翔  
鳳為之叙子長為甘泉各士  
節婦羅氏道其世族女及笄于歸夫 克勤婦  
內則課婢績紡不一載而振其家丙寅夫病於  
陸海橋兩子送省躬侍湯藥不擲沐者踰月及  
病篤暗具縲矢死以從諸 守解時斃而  
者三稱未亡人四十年載勸青諸孤熊九以訓長  
子倬天庚午舉於鄉已亥成進士享年八  
十有三而勤儉如夙昔有孟母之風云

烈婦董氏

年未笄適羅川趙姓不三載夫以疾故  
氏啜咽悲泣誓不獨生舅姑諸親百計  
勸慰弗從竟投崖下處邑人嘆其貞烈建坊道  
左勒石一聯曰身任綱常不怕墜崖三千丈忠  
廉冰雪惟知殉  
夫一念香云

烈婦文氏

武裕景重華妻華沉痾歲餘一日謂氏  
曰吾病革君年少不可孀居善事養人

氏嚙指誓不欲生及夫亡大殮畢投繯柩側而死邑宰王儒躬違祭焉具文請旌之

**節婦許氏** 武衿李蔡妻夫死年三十家貧無子苦志守節七十餘歲有柏舟之操

**節婦許氏** 李宗白妻夫亡年二十三撫幼叔弱子雖罹奇荒而羹榆茹苦歷三十年矢志

不渝焉

**節婦王氏** 蘇思望妻夫亡年二十五誓志守節四十餘年竟如一日

**節婦李氏** 蘇志望妻夫亡年二十八苦節三十九年與妯娌王氏同矢黃鸝之歌邑署篆

昌新命扁其門曰一門雙節

**節婦吳氏** 孝廉文運徵妻夫赴公車卒京邸氏年二十四子女無出計開校繹數四姑姊

朝夕監侍不食者七日矢死靡他清操益勵孀居五十餘年壽八十卒

